

HISTORIA MEDICA TRIUM MORBORUM QUI ANNO 1760...

Johann Georg Hasenöhrle



HISTORIA MEDICA TRIUM MORBORUM

QUI ANNO 1760. FREQUENTISSIME
IN NOSOCOMIO MIHI OCCURREBANT.

CUI ADJECTA EST
NOTABILIMUM OBSERVATIONUM
ANATOMICARUM.
DECAS.

A U T O R E

JOANN. GEORG. HASENÖHRL,
NOSOCOMII HISPANICI MEDICO
O R D I N A R I O.



V I N D O B O N Æ,
TYPIS JOANNIS THOMÆ TRATTNER,
CÆS. REG. APOST. MAJEST. AULÆ TYPOGR.
ET BIBLIOPOL. ANNO MDCCLXI.


3

V I R O
ILLUSTRISSIMO
GERARDO
L.B. VAN SWIETEN,
AUGUSTISSIMI IMPERATORIS
ET IMPERATRICIS A CONSILIIS,
ARCHIATROR. COMITI, BIBLIOTHECÆ
AUGUSTÆ PRÆFECTO, INCLYT. FACULT.
MEDIC. VIENN. PRÆSIDI PERPETUO, NEC
NON ACADEMIÆ REG. SCIENT. ET CHIR.
PARIS. INSTITUT. BONONIENS. ET
LITER. INCOGNITOR,
MEMBRO &c.

*Hoc leve conamen,
Seque totum dedit.*

JOANN. GEORG.
HASENÖHRL.

VIR ILLUSTRISIME!



*Jam iterum inscribere
audeo tenue hoc o-
pusculum Illustrissi-
mo TUO nomini,
quo luculentius meam erga TE
pietatem, cultum, observantiam
atque animi gratitudinem de-
monstrarem.*

*Etenim magnopere semper
exoptavi, ut omnibus innotesce-
ret, quanta TIBI debeam,
quantave TUORUM in me col-*

la. X 3

latorum beneficiorum sit magnitudo: quippe studiis meis, eo plane modo, quo alias solebas, favere pergebas, hæc promovebas, imo & laudare dignabar: quemque medicinam discentem educaveras: quem theoriæ præceptis, atque firmissimis praxeos regulis antehac communivisti, hunc demum artis exercitio admotum voluisti.

Qua-

Quapropter **TE** annuente
sat magnum Nosocomium meæ
curæ concreditum est , ut illa ,
quæ **TUO** ex ore hauseram ,
praxi , atque usu comprobarem.

Neque in hoc conquievisti ,
sed aliud adhuc tanquam cumu-
lum ad reliqua liberalissime adje-
cisti , scilicet , dum videres me
sanandis ægris plurimam nava-
re operam , illisque pro virili suc-
curere , a **CLEMENTISSI-**

MA AUGUSTA nostra im-
pensi laboris præmium impetra-
sti, sicque perfecisti, ut meos
vitæ dies melius, comodiusque
transfigerem.

Igitur si parentes, quos na-
tura dedit, revereri oportet, eo,
quod vitæ exstiterint autores, u-
tique ampliori longe cultu digni
videntur illi, qui bene, beate,
atque honorifice, vivendi occa-
sionem suppeditarunt. Et ut
multa paucis complectar.

*TIBI disciplinas, dignitatem,
literas
debeo
PATRONE, PRÆCEP-
TOR, PATER.*

*Hanc vero privatæ benefi-
centiæ multipliciter miran-
dum in modum auget, atque ex-
tollit illud, quod publicæ utilita-
tis semper primam habueris ra-
tionem ; siquidem non postrema
X 5 TUA*

TUA laus est tantam nunc esse
eruditorum frequentiam, litera-
torum copiam, docentium cele-
britatem, scientiarum florem,
studiorum ardorem: *TUA* e-
nim industria hæc invexit, ac-
cumulavit, incendit.

Quæ cum ita sint, quis est,
qui non *TIBI* summas gratias
referendas esse arbitretur? Quis
est, qui non *TIBI* grati animi
vicem rependat?

Equi.

*Equidem , teste gravissimo
Tullio , nihil tam proprium ho-
minis est , quam non modo bene-
ficio , sed etiam benevolentiae si-
gnificatione alligari , nihil vero
tam inhumanum , quam commit-
tere , ut beneficio , non dicam
indignus , sed victus esse videare ,
quod ingratitude fit vitio .*

*Ego saltem , ne cui forte
officium deseruisse videar , statuo
in præsentia , hoc leve conamen
tan-*

*tanquam grati animi testimoni-
um INCLYTO TUO NO-
MINI inscriptum edere, quod
ut velis ea, qua me alias soles,
benignitate excipere, TE etiam
atque etiam oro.*

*Quod reliquum est, VIR
ILLUSTRISIME fac va-
leas, studiisque meis deinceps
quoque favere pergas, prout huc-
usque singulari prorsus benevo-
lencia fecisti.*

AD

AD LECTOREM.

INter diversa morborum genera, quæ hoc anno in lucem prodibant, tres potissimum morbos selegi describendos: Febrim nimirum inflammatoriam in genere: inflammationem ventriculi, & febrim catarrhalem tum benignam, tum malignam: non quod non alii congeneres morbi simul regnarent, sed quod hi cæteris frequentiores forent, atque medentis attentionem præcipue deposcerent.

Novi nihil, si rem ipsam spectes, hoc opusculo iterum molior, quippe veteris medicinæ præcepta, qualia etiam Hippocratis tempore fuerant, hic confirmata reperiēs, alia tamen scribendi ratione, quam sæpe solam suspicimus in recentioribus, exhibentur: enimvero ex eodem plane semine; nempe ex casta,

sta, & multiplici observatione propulularunt mea, uti aliorum observata.

Nosocomium, in quo praxim facio, numerosos complectitur ægros, quos inter acuti plerique, chronici pauciores; & idcirco amplissimus panditur observanti campus.

Varii ægrotantium casus in decursu subjiciuntur, quos penes lectos sollicite adnotaveram, ut confirmarem illa, quæ hinc inde afferuntur. Epidemiam hoc anno vidi nullam: exanthemata pauca sese offerebant, quorum ortum, eruptionem, atque abitum, diligenter observavi, ut, num critica forent nec ne? accurate dignoscerem: sed vidi multoties, illos, qui, conferto exanthemate scatebant, gravius longe ægrotasse illis, qui paucum macularentur, indicio manifesto, copio-

copiosa exanthemata non perinde,
ac alias evacuationes largas critice
judicare morbum.

Sæpe & animadverti, in mor-
bis, quos criticus ex integro dispu-
lit sudor, effloruisse miliaria, quæ
in homine febris jam experti sine ul-
lo discrimine decurrebant, atque
citissime faceſcebant.

In febribus catarrhalibus, pe-
ripneumoniis toties sine dierum le-
ge aut levamine emerſerunt exan-
themata, ſed poſtliminio ſalutaris
evacuatio per alvum, urinam &
ſputum conſequebatur. An ergo
exanthemata in morbis acutis pro-
rumpentia, ſemper & ubique criti-
ca appellari merentur?

Dicta hucusque innituntur fide-
li experientiæ, quod ſi quis tamen
meliora, melioribus adductus ar-
gumentis in medium protulerit, il-
li

li minime sum refragaturus; quæ enim a me proponuntur, eo solummodo referuntur animo, ut peritioribus de his, quæ sane obscuritate non carent, diligentius cogitandi occasionem præbeam, non, ut aliis sentiendi leges præscribam.





Constitutio aëris Anni 1760.



Minutissimus ingrediebatur hic annus, nec turbam morborum adeo validam secum invexit, prout illi, qui exspirarunt; vix enim rudera prægressæ constitutionis epidemicæ observabantur.

Primis quinque vel sex diebus cœli temperies valde mitis, aeris puritas, clementia splendentis solis, prægresso mense Decembri frigore stricta, laxavit corpora, tandem copiosæ ceciderunt pluvix; hinc glacies, quæ flumina Vienne alluentia obsidebat, calore fracta secesserat, jamque navium commercium restitui incipiebat. Sed paulo post ingruente aquilone, auctoque gelu omnia

A

nova

nova glacie obducebantur, atque corpora recenti frigore stringebantur. Inconstans itaque semper fuit brumæ tempestas, vixque erant, qui meminere Danubium toties glacie contactum, totiesque hac soluta liberatum fuisse; hinc fieri non poterat, quin morbi quoque aëris vicissitudini originem debentes ad tempestatis, velut unici exempli, mores perfecte sese formarent.

Quotidiana autem constat experientia, temporum ac aëris repentinas mutationes ad morbos inferendos esse aptissimas; in hoc quotquot sumus, vivimus, illo fruimur & vescimur assiduo, hunc ut inspiremus, expiremusque, vitæ ratio & inevitabilis necessitas cogunt, vixque momento ejus usura carere possumus. In aëre igitur maxima vis residet vitam & integritatem actionum nostrarum conservandi, & contra totam humani corporis œconomiam corruiere necesse est, si a debita sibi temperie degeneraverit. Hoc confirmat magnus Hippocrates in lib. de natur. homin. ubi ait : *morbi oriuntur a spiritu, cujus inspiratione vivimus* : in lib. de flatib. aërem maximum in omnibus, quæ corpori accidunt,

cidunt, authorem, dominum vitæ & fabrum morhorum nuncupat; hinc non immerito sapientissimi veterum sedulo nobis inculcant, ut qui medicinam in certo loco facimus, non modo ejus loci naturam & situm, victusque rationem, sed præcipue ventorum & anni temporum vicissitudines, differentias, & morbosas affectiones inde resultantes, sollicite adnotemus, ut sic de natura morborum hoc vel illo tempore grassantium aliquanto rectius judicium ferre queamus.

Equis obsecro non novit a perpetua æris varietate ex calido in frigidum & vicissim acutissimos produci morbos inflammatorios, dum corpori paulo antea calenti applicatur aura frigida, mox vasa prægresso tepore laxata, stringuntur, moleculæ fluidorum adunantur, hinc fieri nequit, quin & ex imminuta canalium capacitare, & ex aucta fluidorum mole stases contingant in extremitatibus minorum vasorum, difficulter resolvendæ: sed & tenerrimorum vasculorum orificia, in extrema cute hiantia, frigore contrahuntur: hinc & hoc effectu salubris adeo & ad vitam neces-

faria perspiratio impediatur: unde multiplicium denuo morborum origo derivari potest; atque ob hanc causam autumnus morborum maxime ferax audit inter medicos, quod plurimum variant tempestates; idem Celsus jam indicavit dicens: *per autumnum vero propter Cæli varietatem periculum maximum est.*

Ejusdem plane profapiæ morbi sunt illi, qui tempore hyberno ab exercitio, motuque corporum vehementiori, adeoque & sanguinis cursu citatiori oriuntur, uti enim fluidis a causa interna immutatis, atque a naturali, quæ iis inesse debet fluiditate recedentibus facile accidit, ut particularum tenacium coitu intra canales massulæ grandiorum diametrorum conflentur, sic sanguinis, vel in statu naturali constituti, motu æquo violentiori dilatata eorundem canalium perangusta immissaria corpuscula admittunt, quæ per illorum eorundemet canalium longitudinem propulsa, eorum angustissimis finibus, propter excessum magnitudinis corpusculorum transitorum supra emissariorum capacitatem, egredi nequeunt, igitur & hac ratione canales in corporibus animan-

mantium oppleri, occludi, atque oppilari possunt, motusque fluidorum in iis retardari, indeque nasci diversa morborum genera, præcipue inflammationes.

Ver hyeme constantior erat, characterem tamen febrium inflammatoriarum non multum immutavit; sed & simul exanthemata, tum petechiæ, tum miliaria, brumali tempore rarissime visa, cum febribus catharrhalibus dictis denuo emicuerunt.

Æstas sequebatur sat fervida; initium Julii intense calidum erat, sextus habebat calorem vix tolerabilem, thermometer notabat 85^{um} gradum, aucto deinceps calore, æstuque summe urgente circa 25. Julii thermometer attingebat 90. gradum, arborum folia hinc inde cadebant emarcida, prata antehac læte virentia, humido destituta exsucca, & arida reddebantur. Jam febres inflammatoriæ valedicebant, sed locum ampliorem morbis autumnalibus, quorum quasi epocha hic mensis est, faciebant: finienti Julio tanquam comites sese adjunxerant febres continuæ remittentes, nunc cum, nunc sine exanthemate, intermittentes, variolæ,

diarhææ, dysenterix &c. qui morbi, cum satis mites, neque mali moris per id temporis fuerint, paucos jugulabant, determinatu tamen erat perdifficile, qui nam morbus præpolleret.

Initium Septembris frigidiusculum fuit, multæ cadebant pluvix, reliquum mensis placidum ac tepens erat, æstatiq; simillimum.

Adolescens autumnus pluviis, ventisque frigidis infestus erat, hinc morbi inflammatorii ut anginx, pleuritides, peripneumonix aliquo tempore exules denuo in orbem rediere.

Clauserunt annum densissimæ nebulæ, catarrhis occasionem, materiemque suppeditantes. Atque hæ erant rerum vices hoc anno.

Numquid ex dictis hucusque pulcherrime intelligitur variorum morborum variis anni temporibus dominantium origo? Quocirca cum observantibus viris antiquis, maximeque Hippocrate, & anni temporibus & maximis tempestatum varietatibus, cœlique mutationibus magna vis insit ad diversa genera ægritudinum facienda, nemo inficias ibit, manifestarum aëris qualitatum observanda.

ervationem ad perquirendas saltem evidentes morborum causas maximopere esse necessarias.

Cum autem febres acutæ e genere inflammatoriarum hoc anno principatum tenuerint, ab his telam ordiri constitui.

Historia febris inflammatoriæ.

Nomine febrium inflammatoriarum illas complector, quando per causas prægressas humores ita degenerant a statu naturali, ut tenacitatem induant phlogisticam. Hæ dividi possunt in benignas & malignas.

Benignæ vocantur quæ & consuetis stipantur symptomatis, & consuetis cedunt remediis.

Malignæ dicuntur, quas insolita symptomata, eaque prava comitantur, quas consueta auxilia imo & multa alia infueta nedum non levant, sed potius exasperant, quæque demum multos perimunt. Frequentes admodum hoc anno vidi benignas, malignas longe rarius intueri licuit.

Adoriebantur autem cum frigore aut horripilationibus cum calore alternan-

tibus, quæ sæpius de die repetebant, ita ut ægri stragulis contacti mox valide rubescerent, & incalescerent: his vero remotis de frigoris molesta sensatione conquererentur, accedebat sitis quandoque intensa, calor ad contactum urens, dolor capitis sævus, membrorum lassitudo, siccitas cutis, alvus constipata, arteria dura & tensa, veluti baculus rigidus per hanc moveretur, respiratio cita & solito difficilior, rubor faciei & oculorum, deliria, urina ruberrima.

Gravior longe erat morbus, dum statim ab initio accedebant animi deliquia, pulsus intermittens, & inordinatus, inquietudo summa, calor ad contactum mordax, diarrhæa; urina flammea, linguæ ariditas summa, sitis inexplebilis, dolor circa scrobiculum cordis. Hoc ultimum Symptoma peculiare erat huic feбри, eo quod complures de dolore satis acerbo in scrobiculo cordis conquerebantur; quidam vero hoc dolore non tantopere affligebantur, contactum tamen vix tulerunt; multi manu admota ostendebant regionem sub sterne ad cartilaginem *ξυφοειδῆ*, doloremque quem digitis contrectati sentiebant, vultu testabantur. Neu-

Neutiquam vero ausim determinare, quænam pars, aut qua ratione fuerit affecta? an forte circa ventriculi regionem dolorem persentiscebant ex crassioribus, & digestioni resistentibus eduliis, quibus conficiendis plurimum, & quidem frustra insudavit ventriculus? an ibi enascens inflammatio eundem procreavit? quod tamen anatome non demonstravit. Interim verissimum est, plures hac febre affectos, aut de hoc dolore conquestos fuisse, aut contrectatos ejusdem signa dedisse.

Infestabat hæc febris præcipue sanguineos, juniores, vel & ætate consistentes, robustiores, exercitatos, illosque qui aeris injuriis maxime expositi erant, ut milites in excubiis, hinc tanta militum copia hac febre affecta in Nosocomio decumbebat.

Qui mitius ægrotabant, 7^{mo} aut 14^{to} judicati sunt, qui gravius 17. aut 20. rarius suos ultra produxit limites, si illos exceperis, quibus non tempestive, aut recte instituta fuit curatio, & queis post imperfectam crism ejus febris reversio diuturnitatem peperit.

Cum vero in morbis acutis scitu per-

utile sit medico, quibus viis eæ fugam capeffant aut per quas evacuationes falutariter feſe expediant, intentus in hanc rem illud obſervare potui; has febres inflammatorias raro diarrhæa, rarius urinæ profluvio, frequentiffime vero hæmorrhagia narium, aut largis ſudoribus vel junctâ utraque evacuatione ſolutas fuiſſe; inde emanat conſtans & irrefragabilis regula practica: in inflammatoriis ſudore *κρίσιμος* judicatis pluries, & ſe addit hæmorrhagia.

Quod diarrhæam attinet, non niſi pauci erant, quibus materia morboſa per alvum cum euphoria exturbabatur; dum illa recolligo, quæ hoc anno literis mandaveram, non pluries, quam ſepties hanc evacuationem ſalutarem fuiſſe lego, quo urina copioſa, craſſa ſimul profluens etiam ſuam contulerat opem: haud equidem ignoro, morbos ſat graves, & periculofos inflammatorios per ſolam diarrhæam ſanari poſſe, ſic Peripneumoniam Pleuritidem &c. Hac criſi perfecte curatas fuiſſe legimus apud autores, interim hanc febrem inflammatoriam, de qua impræſentiarum ſermo eſt, raro abitum quæſiſſe, alvo liqui-

liquida fluente, tantum affirmare sustineo ex multiplici, quam feci, observatione. An ergo natura variat in eliminanda materia morbosa pro varia corporis dispositione, morbi genio & indole, annique diversitate.

An hoc anno proclivior erat, ut sese febres potissimum sudoribus aut hæmorrhagia expedirent? ita sane videtur.

Per urinæ vias materialem morbi causam æque expelli e corpore, quam per diarrhæam indubitatum est, hac tamen differentia, quod sola urinæ excretio in morbis gravioribus vix unquam sufficere videatur, interim febres leviores concocta phlogosi cum sanguine fluente per urinam crassam & copiosam sanatas esse, non semel, sed sæpius vidi. De his legi merentur Illustriss. Baron. commentarii cap. de febribus in genere. §. 594.

Hæmorrhagiam narium in morbis acutis inflammatoriis salutarem admodum esse, jam antiquitas veneranda nos docuit, vixque exstitit medicus ab Hippocratis temporibus ad nostra usque, qui hujus evacuationis non meminisset; de illis autem signis, quæ salutarem talem

lem hæmorrhagiam narium prædicere solent, consuli debet Illustriss. Boerhaavii commentator cap. De febris ardente, ubi simul mentio fit, quando hæc ex pulsu dicroto prælagiri possit, non adeo facile videtur juniori medico hunc pulsum detegere, futuramque augurari hæmorrhagiam, sagaci, multumque exercitato opus est: mihi saltem inter numerosos ægros, & inter frequentes narium hæmorrhagias, hanc bis solummodo prælagire contigit.

Id tamen fateri debeo, hanc evacuationem solam infidam sæpius fuisse, etenim 7^{mo} die satis larga licet fuerit & febrim, & omnia hanc concomitantia Symptomata quantocius abstulerit, tamen frequenter ejusdem febris reversionem expectare oportebat. Hinc Illustris de Haen part. 5. ration. medendi cap. 1^{mo} ex casu enarrato ita sapientissime ratiocinatur: *toties ad lectos ægrorum advertimus, perfectam non haberi judicio jam facto, certitudinem morbi ita devicti; ut non fiat recidiva. Equidem, quo omnes functiones perfectius, celeriusque restituantur in integrum: quo motus critici diebus judicatoriis exactius fiunt: quo denique*
eva-

evacuaciones perfectiores constantioresque cum virium incremento contingunt: eo minor metus adest relapsus. At vero hucusque non habetur ejusmodi certitudo, quæ excludat omnem omnino relapsus formidinem. Videmus sane & in hac muliere, cujus casum ibidem recenset, & in pluribus aliis, nihil judicio defuisse, attamen iisdem successisse relapsum.

Ex pluribus, quos notavi casus, unicum in dictorum confirmationem adferre libet. Miles 32. annor. die 3. Januarii 1760. corripitur frigore valido, cum insequente calore, languore summo, dolore capitis intenso, siti multa, pectore anxio, tussi pauca & sicca, pulsus erat celer & durus, 2. & 3. morbi die vena tunditur, detrahunturque uncix decem sanguinis, paulo post crusta lardacea obducti, 4. morbi die iisdem symptomatis continuantibus mittitur eadem quantitas sanguinis, non adeo phlogistici. 5. Melius paululum valet, lingua humescebat, sitis non tanto pere urgebat, pulsus celer quidem, vix tamen durus erat, respiratio liberior, dormivit parum. 6. Anxius erat, respirabat solito difficilior, attamen sine dolore, hypochondria tensa habebat,

pa.

parum dolentia, facies multum rubebat, oculos gerebat turbidos, alvum non posuit, urina rubicunda & cruda erat, tussis vix ulla, pulsus duriusculus & dicrotus. 7. Die oborta fuit larga hæmorrhagia narium ex integro sanatus videbatur, appetitus redibat, sitis erat nulla, pulsus & respiratio sana deprehendebantur.

Die 11. post leves horripilationes recruduit eadem febris inflammatoria, cum recensitis antea signis, multumque conquerebatur de dolore partium, quæ cordis scrobiculo subjacent, delirabat in somno, denuo sanguis mitti debuit, qui æque phlogisticus ac densus, uti prior fuit, hinc postero die iterari debebat, cum vero pulsus suam deponeret renitentiam, nec ullum aliud grave symptoma ulteriorem V. S. suaderet, ab hac manum abstinui, curamque folis antiphlogisticis moliebar.

14. Morbi die hæmorrhagia narium copiosa iterum superveniens, & ægrum febre, & iterata recidiva liberavit.

Contigit mihi aliquoties videre, quod tanta fieret cruoris profusio per nares, ut ægri in haud leve discrimen vitæ conjicerentur.

Mili-

Militem 28. annorum curabam, quem die 10. Januarii febris acuta inflammatoria prehenderat: sanum ante hac & robustum prædicta adoriuntur symptomata, cumque respiratio esset celeris, pulsus durus & frequens, detraxi illico uncias decem sanguinis, crusta spississima tecti, hancque repetii ad tertiam usque vicem, ut scilicet febris impetum sufflaminarem, jusque strenuo pergeret in usu antiphlogisticorum. 6. Die furiose delirare cœpit, quod delirium perduravit ad nonam usque diem, quo oriebatur hæmorrhagia narium, quandoque cessans, denuo recrudescebat, tandem eo usque perdurans, ut viribus jam fractum certo certius enecuiisset, nisi omnia, quæ in simili casu ars fieri jubebat, in opem vocata fuissent: post tantam vitalis liquidi jacturam æger exhaustus, diu languebat, cruribus, facie, univ ersoque corpore tumere cœpit, unde tamen adhibitis idoneis medicamentis perfecte convaluit.

Bina hæc infidæ criseos exempla vel ideo notari merentur, ut præsentibus licet criticis evacuationibus in præsagiendo morbi exitu, tamen cauti reddamur.

Plu-

Plurimi omnium largo sudore incolumitatem recuperarunt, hic autem sudor sponte prorumpebat, prævia nempe concoctione partis phlogisticæ in sanguine latitantis, diebus decretoriis contingebat per universam corporis superficiem calidus, copiosus sub pulsu undoso ac molli manabat, non tamen nimius, neque interceptus, ægroti temperamento correspondebat, penitusque morbo, vel plurimum liberabat; Tales vero sudores fuisse frequentissimos in hac febre inflammatoria, fidenter affirmare possum, cum toties per hanc evacuationem salutem rediisse notaverim, quoties a cæteris id neutiquam observaveram. An non exinde regula sequens tanquam certissima deduci potest? per sudores in febris acutis ac inflammatoriis optima fit crisis.

Hanc regulam in pluribus quam triginta ægris confirmatam vidi, notavi. Mirabar sæpe numero, quod vespere quæ crisin præcedebat, meos ægros multum febricitare deprehenderem, sequente aurora jam sine febre, & sanos degere: sed & simul animadvertēbam, pulsum antehac durum jam jam mollescere,

cere, cruorem undæ instar per arterias ferri, cutim calidam, laxam, madidam, vaporem emittere quemdam tepidum, qui antea non fuit; stantibus his, ægri spontaneo motu sese stragulis bene tangebant, & dum manum exserere cgebantur medico pulsum exploranti, molestam horripilationem, cito autem evanidam, mox incidere querebantur; alvum tunc plerumque habebant occlusam, urinam paucam, & tum demum secuta est proluxa diaphoresis, quæ infirmum extra periculi aleam omnino constituit.

Interim periculosissimum semper erat sudores cardiacis, aut calido regimine provocare: pessimus certe mos obtinet inter medicos, febrium acutarum curam per sudorifera præsertim calidiora auspicari; profecto sic oleum affunditur igni, magis incenditur sanguis, diluens ejus vehiculum dissipatur, inspissantur reliqua, atque in molem condensantur irrefolubilem, verbo: omnia turbantur in morbis.

Hac igitur agendi ratione frustra gliscenti febrî obicem ponere nitimur, frustra morbi causam temporius extermi-

B

nare

nare satagimus, halucinamur; dum similia credimus, pessime erramus, dum a naturæ semita temere defleſimus, quippe ubi causam morbificam crudam adhuc, & in concoctam expellere aggredimur, metus est, ne morbum alias natura sua levissimum, & facile sanabilem, in exitialem transformemus, quemque servare volumus ægrum, sudoribus importune extortis letho infaus-te tradamus. Nullibi autem credi-ur hæc methodus majori specie veri tentari posse, quam in illis morbis ubi exanthemata aut in procinctu stare creduntur, aut horum futurorum inanis adest suspicio: Sed jam demonstravit Clariss. de Haen in pulcherrimo tractatu de febrium divisionibus, quam raro in acutis critica sint exanthemata, quam frequenter vero symptomata, invictisque argumentis, æque ac rerum experimentis, quam maxime damnosam esse hanc medendi methodum, atque exanthemata frequentius mala arte progigni, sponte longe rarius evicit.

Methodus medendi.

Ex causis ante hac adductis, ex symptomatibus concomitantibus, ex conditione denique sanguinis detracti perquam facile est eruere indicationes, quibus medicus satisfacere debebat, ut febrim hanc inflammatoriam eo certius superaret. Etenim motus humorum exorbitans erat refrænandus: spissum phlogisticum attenuandum: & symptomatis intempestivis obviam eundum. Hinc patet illico necessitas V. sectionis, ejusdemque iteratæ. Quanta præstet V. S. in morbis acutis, præcipue in morbis inflammatoriis, nemo ignorare potest, qui vel levissime in praxi animum adverterit, minuit copiam humorum; furiose a tergo urgentis sanguinis impetum refrænât: calorem temperat: vires cordis infringit: dolores sopit: resolutioni densitatis phlogisticæ summopere favet: motum denique celeriores reddit pacatum, adeoque in morbis acutis vel ab ipso medicinæ exortu adhibebatur.

Tales enim acuti a sanguinis abundantia & spissitudine concitantur, quæ

in partibus quibusdam, vel toto corpore inflammationem producit; cui phlebotomia præsentissimum est remedium, eaque eo citius administranda, quo pars affecta nobilior, & magis membranaea est. Sic Hippocrates Libro 3. de morbis inquit: *cum pulmo tumuerit repletus, quam citissime clystere adbibito probe purgare oportet, & de cubitis, de naso, & lingua, ac de omni corporis parte sanguinem dimittere.* Repleri nimio calore nihil significat aliud, ac esse inflammatum præ copia & densitate sanguinis. Eodem lib. Hippocrates in Angina venas sub lingua secari jubet, & in cubitis, si vires validæ fuerint. Cum itaque hi morbi a sanguine phlogistico originem ducant, optime eos V. S. tollet.

Attamen ut tanto morbo perdomando suppar foret remedium V. sectio, hæc frequenter & copiose celebrari debebat, ut videlicet spissus adeo humor magna saltem ex parte evacicaretur; necdum mihi innotuit, vel minimum damni a tam larga sanguinis, ut quibusdam videri potest, detractioe cuique fuisse illatum.

Id fateri debeo palam penituisse me
nun-

nunquam V. sectionis repetitæ, ejusdem vero neglectæ aliquoties, dum paucis diebus post signa suppurationis futuræ manifesto apparebant, spemque omnem servandi ægri adimebant.

Novi quidem bene, dari medicos, qui largas, frequentesque phlebotomias admodum improbant; his respondere debeo primo: quemadmodum certum tempus assignari vix potest, quo in morbis sanguinis missio celebrari debeat, cum nullo non tempore eam in certis fieri posse Galenus optime adnotarit, quin subin morbo adeo provecto ab Illustriss. Barone van Swieten administrata fuit cum successu lætissimo, ut ignarus quispiam obstupesceret: ita pariter certa mensura & copia sanguinis detrahendi statui nequit, cum hæc quoque immensum sæpe variare debeat, pro ratione morbi, ætatis, consuetudinis, regionis, vitæ &c.

Secundo: res mihi plerumque erat cum hominibus fortibus robustis ætate consistentibus, & exercitatis, tempestatum vicissitudinibus vel maxime expositis.

Tertio: In schola Boerhavigiana edu-

catus, ejusdemque principiiis enutritus, illud sæpe numero auribus hausi, eoque pergendum esse in V. sectione, donec status inflammatorius præterierit, quod ex conditione pulsus, ex respiratione emendata, ex doloris, caloris, reliquorumque Symptomatum diminutione, denique ex qualitate sanguinis educti facile concludere licet. Neque sane intelligo, qua ratione magnæ famæ medici contra copiosas V. S. adeo debachati fuerint, dum tamen praxis clinica rei veritatem quotidie demonstrat: non enim quæ prodeunt multitudine sunt æstimanda, sed quæ, & qualia prodeant, & an æger facile ferat videndum. Missis reliquis omnibus, unius viri, qui pluribus scriptis hoc nostro sæculo jam inclaruit, de repetito V. S. usu in morbis inflammatoriis, sententiam expendere juvat.

Incidit nuper in manus meas dissertatio de febribus biliosis, seu historia epidemiæ biliosæ Lausanensis a Celebratissimo Tissot conscripta, qui postquam egregia contra usum frequentio-rem V. S. in febribus biliosis putridis attulisset, illaque tum aliorum, tum propriis obser-
vatis

vatis confirmasset, in fine sequentia subnectit: In ipsis morbis inflammatoriis, post unam alteramve V. S. tertiam ad summum, quid quid sanguinis ultra aufertur, morbum plerumque incurabilem efficit, omnis præpeditur resolutio, æquilibrium inter solida & fluida destructo, turbatur prorsus circulatio, omnis impetus ad partem ægram dirigitur: augetur stagnatio pblogistica, & impingitur pro ratione sanguinis ultra æquam quantitatemeducti, vel demum si adhuc pergitur, & pergitur sæpius, paucillum sanguinis rubri remanens, in majoribus circulat vasis, demum in minoribus perfecta generatur stasis, oritur in morbo inflammatorio gangræna ex debilitate, brevi mors sequitur. Non desunt viæ, quæ omissæ pblebotomiæ locum teneant, & nisi urgeret aliquoties casus, semper tuto omitti posset. Tandem in hæc verba erumpit: nec nugæ cano, obloquantur, quidquid innumeri, sed veritates quas demonstrat theoria, & quod lugendum, quod idiana praxis.

Quod enunciatum celeberrimi viri merito in dubium vocari potest, non quod nobilissimi, ac eruditissimi viri famam longe lateque diffusam extenuarem, sed ut rei veritas, a qua pendet salus proximi, accuratius enucleetur,

interesse mei, quoniam de hac re occasio admonuit, existimavi hancce animadversionem nonnihil disquirere.

Antequam ad rem ipsam propius accedam, præmonere debeo, me hic loci tantum agere de febris inflammatoria in genere seposita omni quacunque epidemica constitutione, in qua morbi acuti repetitam sæpe numero V. S. non tulerunt. Sic meminit Sydenhamus Pleuritidis adeo malignæ, quæ per eos annos phlebotomiam fere nesciebat, saltem toties repetitam, quoties hic morbus communiter eandem deposcit; Celeberrimo Schenkio observata est peripneumonia, a qua plures evasere, quibus Venæ sectæ non sunt, quam quibus sectæ fuerunt.

His ita præsuppositis facile patet, quo fundamento innitantur illa, quæ paulo ante, contra crebriores V. S. in morbis inflammatoriis allata sunt, dum theoria æque ac praxis quotidiana non ternas, sed frequentiores longe V. S. actiones suadet, imo imperat.

Quod obsecro melius cardiacum in hisce febribus ad vires dilabentes fulciendas, excogitari potest? quam ipsa
V.S.

V. S. eaque repetita, præsertim, dum in his morbis a plenitudine, densitateque cruoris quasi suffocatæ jacent: quid resolutionem phlogoseos tantopere expectendam magis promovet, quam dum copia imminuta, vasorum antehac inertium robur in liquida augetur, sicque optime attenuatio & divisio molecularum cohærentium perficitur, quippe motu oscillatorio restituto crassiora nostri sanguinis velut comminui, diffringique necesse est; hac igitur ratione æquilibrium, quod inter solida & fluida in statu sano obtinet, & quod ob molem movendorum, vasaque distracta sublatum fuit, denuo restituitur; denique & impetus a tergo sanguinis aliorum derivatur, stagnatio ulterior impeditur, diluentibus, & attenuantibus remediis, locus, & faciliior miscela paratur, & pessimi alias futuri effectus præcaventur.

Quid quod ipsa natura cujus ministri sunt medici, easdem plane molitur sanguinis evacuationes, in morbis acutis, dum rupta, vel per anastomosim dilatata, arteria sanguinem per nares co-

piose profundit, sicque febrim quasi uno momento jugulat.

Neque hucusque innotuerunt viæ, quibus per artem tutius sanguis educi posset, quam incisus venis; non enim purgantia, sudorifera, emetica, aut diuretica in locum V. sectionis succenturiata eundem scopum, quem V. S. ferire potuerunt, adeo, ut perspicue palam sit, V. S. in morbis inflammatoriis utilissimam, simulque præsidium vel maxime necessarium esse.

Consideravi hætenus theoretice, quantum phlebotomia & quidem repetita in morbis acutis inflammatoriis profit, quædam hic prædixere subjungere libet.

Non semel, sed frequentissime observavi, ter, quaterve phlebotomiam semper ad uncias decem celebratam, febrim exorbitantem, ne quidem debitos intra limites reduxisse, minus adhuc compescuisse, testes appello illos, qui docta curiositate impulsæ ægros videndi, meum nosocomium aliquoties frequentarunt, ex me audientes, huic vel illi ægro quinquies aut sexies venam fuisse apertam, febrem nihilominus pertinaciter

citer vigere, pulsum adeo plenum & durum existere, quasi sanguine nunquam mulctati fuissent, una mecum demirabantur. Fateor, me in principio dubium admodum, ancipitemque hæsisse, dum post quartam V. S. de ulteriori adhuc agebatur, sed audaciorem reddidere fortunati successus, exempla magnorum in arte virorum, consilia Illustrissimi Præsidis.

Binos habui milites, quorum unus 23. alter 29. agebat annum, uterque hac febre inflammatoria graviter decumbabat, quinque V. S. jam adhibitæ vim morbi neutiquam infringebant, in medicamentis antiphlogisticis studiose peragenda esse statuebam, attentus, interrim, quomodo natura hoc negotium absolveret, unde paulo post factum, ut unus 7. die per largissimam hæmorrhagiam narium supervenientem perfecte judicaretur, alter diu cum morbo luctatus, tribus vicibus hæmorrhagiam patiebatur, unam 9. alteram 12. tertiam 14. morbi die, qua perinde ac primus, verum tardius convaleuit.

His visis, pronum erat concludere, febrim hanc inflammatoriam non nisi
in-

ingenti jactura sanguinis debellari posse, quare & ægris meis, si necessitas urgeret, viresque permetterent, sexies, octies, imo & novies sanguinem detrudere non dubitavi, idque tanto præstiti cum successu, ut vix unus vel alter illorum mihi desideraretur, qui tantam sanguinis jacturam subierunt: non ficta loquor, sed vera, quæque usu & experientia didici, scribo, milites illi, qui huic agendi modo vitam in acceptis referre debent, chirurgi nosocomii, qui iterato venam secabant, cuilibet dubitanti rei gestæ veritatem facile confirmabunt.

Quæ cum ita sint, nemo rationis capax jure in his morbis vituperare frequentiore sanguinis missionem potest, sed mirifice, & tanquam certum auxilium commendare, extollere, & confidenter usurpare.

Optimus mei nosocomii Chirurgus Carolus Hoffman 36. annorum, pectore minus firmo præditus, macilentus & pallidus, vicissitudines aeris nunc frigidi, nunc calidi multum expertus, catarrho affligitur, tussis multa & irrita, gravitas capitis, appetitus abolitus sese
ad-

adjungunt : pectoralibus assumptis ex ol. amygdal. dul. Syr. diacod. Stib. diaphor non ablut. & potu theiformi sputa glutinola incipit extundere, cum aliquo, sed exiguo levamine, febris cum quoque subreperet, V. S. detrahuntur unciae octo sanguinis spissi, phlogistici, unde multum levabatur, tussis minuebatur, sputa facilius prodibant, appetitu tamen manente adiaphoro. Atque hæc sunt anamnestica.

Per decem circiter dies belle utcunque habentem frequentes adoriuntur horrores, quibus succedit calor, quandoque intensus, nunc levior, horribus interstinctus, dolor capitis, fitis vehemens, somni turbulenti, anxietas, febris acuta continua, pulsus durus, respiratio laboriosa, calor ad attractum urens, dolorque circa scrobiculum cordis, tussis multa & vehemens, sputum glutinosum cum difficultate rejectum, vim morbi augere videbantur.

2. Morbi die Vena illi tunditur, cruor emissus cito induitur crusta lardacea, symptomatibus eodem modo perseverantibus.

3. Denuo mittitur priori similis ad uncias circiter octo, nam inflans animi deliquium, sudor gelidus faciem occupans, pulsus contractio, largiorem vetabant, symptomatibus vero haud imminutis, pulsu duro, valido continuante.

4. Die V. S. repetendam esse enixe contendo, asserens: hoc unicum duntaxat superesse auxilium, quod ægrum in sicco collocare posset. Cum vero & æger metu lipothymiae adfuturæ, ejusque chara uxor, nimiam mariti debilitatem verita, pertinaciter contraniterentur, consultum fore judicavi, consilio convocato, de ulterioribus agendis esse deliberandum. Ad hoc negotium Magnus Dominus de Fezer, Clariss. & Magnif. de Haen invitabantur, qui viribus ægri bene pensatis, symptomatibus accurate ut solent, trutinatis, V. S. denuo ad uncias X. coram repetendam esse volunt, monebant simul, viri ingenio, doctrina, praxi illustres, eandem copiam sequenti die esse detrahendam, imo stantibus iisdem symptomatibus, necessitateque urgente, hanc aliquoties adhuc iterari posse, diserte
affir-

affirmabant. Quare circa finem 4. diei unc. viij. Sanguinis admodum spilli & phlogitici iterum detrahuntur, simul ol. amyg. cum Syr. diacod. permistum vesperi sumendum propinatur, paulo post purgari incipit æger, & quidem octies, fœces erant fuscæ, liquidæ, multum foetentes, sæpius patiebatur animi deliquia, sudor frigidus guttatim frontem & faciem tegebat, pulsus quandoque vix non evanescebat sub tangentis manu, dolor circa scrobiculum cordis intensus, facies collapsa pallida, tum applicatum est Clyisma ex unc. vj. lactis & unc. ij Syruppapaver. alb. inde diarrhæa conquievit, ita, ut integra nocte non nisi bis alvum deponeret, dormivit autem parum, & quidem somno interrupto, obscure deliravit, tendines nonnunquam subsiliebant, post mediam noctem pulsus iterum constantior, sed durior & celerior, animi deliquia nulla; sic noctem 4. diei transegit.

Illucescente die 5. denuo purgari cœpit, posuit alvum liquidam, admodum fætidam tribus vicibus, urinam reddidit hora tertia matutina flammeam, cum nubecula fundum petente, tussis fuit mi-

tior

tior quam alias, glutinosa nonnunquam extundebat, sed cruda, bis amara vomuit, dolores circa cordis scrobiculum nonnihil mitigati sunt, pulsus tamen duritiem suam non deposuit, hinc de novo V. S. ad unc. vij. instituitur, sanguis gerebat tenuiorem longe crustam; ab hac V. S. pulsus renitentiam suam omnino deposuit, animi deliquia rarissime accedebant, dolor in scrobiculo cordis vix non conticescebat, urina rubicunda quidem erat, sed mox nubem ad fundum ponebat, sitis non tanta, calor remissior, anxietas vix ulla, respiratio sat libera, verbo: omnia in melius vertebantur, spemque salutis recuperandæ haud exiguam faciebant.

6. Jam erat pulsus æqualis, sed parvus & naturali celerior, respiratio bona, tussis multa, sputum magis coctum & facile, alvus obstipata, adeoque Consuetudine sollicitanda, nox tamen inquieta; somnus non multus.

7. Sudavit multum, quater dejecit per alvum, tussi sputa magis cocta prodibant, somnus tamen nec de die, nec de nocte obrepebat, hinc emulsione paragorica, aliisque ut postea patebit, invitabatur.

8. Me-

8. Melius habuit, fitis fere nulla, pulsus naturali parum celerior, respiratio bona, somnus paucus, sed tranquillus.

9. Alvum bis posuit, urinam reddidit sanorum similem, sed dimidia hora post turbidam factam, quæ non diu post dimisit sedimen leve, æquale, albicans.

10. & 11. die eadem prorsus continuarunt, somnus quoque largior.

12. Sumpsit purgans ex mann. fol. Senn. & cryst. Pri paratum, unde decies movebatur, appetitus quoque redire incipiebat, sicque pedetentim pristina sanitati restituebatur.

Si itaque in debili adeo corpore V. S. quinquies instituta adjumento fuit, quid ergo dicam de robustis, fortibus athletico habitu præditis? idcirco jam monuit Hippocrates in lib. de victu acutorum: *in acutis morbis, V. secabis si morbus vehemens appareat, & qui ægrotant, in ætatis vigore fuerint, & robur ipsis adsuerit. Similia & Celsus jubet; dicens: ergo vehemens febris, ubi rubet corpus, plenæque vnae tument, sanguinis detractionem requirunt; in puerpera pleuritide correpta*

C

Tul-

Tulpius necesse habuit octies venam exsolvere, donec vinci potuerit rebellis morbus. Subit recordatio me jam aliquot abhinc annis consuluisse de hac re Principem longe omnium in Theoria, gravissimum, & acutissimum in praxi medica Virum L. B. van Swieten, ab eoque petiisse hujus dubii solutionem, num in morbis acutis a diathesi phlogistica humorum pendentibus, post 4. 5. tamve Sanguinis missionem ad ulteriorem adhuc descendere liceat? Præclare autem tunc respondit Vir sapientissimus, nihil hic perpetui statui posse, sed omnia symptomatum concursu, illorumque augmento vel decremento æstimanda, viriumque robore cuncta esse dimetienda.

Porro manifestissime liquet Celeberrimum Tissot in tractatu de febre epidemica Lausanensi mensuram, copiam, proportionem sanguinis mittendi in morbis inflammatoriis minus recte determinasse, dum tertiam V. S. ad summum tanquam terminum constituit.

Erunt nihilominus, qui me temeritatis aut potius imprudentiæ insimulabunt, quod ritum sanguinis liberalius imi-

iminuendi tantopere defendam, atque commendem: objicient fortassis nonnulli: hoc pacto cruorem vix non omnem subduci, vires sine necessitate perfumdari, naturam eousque debilitari, ut materiæ morbificæ coquendæ, digerendæ, aut solenni more expellendæ, impar prorsus sit, adeoque hostem in mediis visceribus detineri, morbum sine ratione protrahi in longitudinem, ægrum denique in languorem conjici immedicabilem. Paucis hac agendi norma omnia fusque deque verti in morbis, quod si vero præter spem quis eluctetur, illum quidem morbi præsentis, non tamen perversæ medicationis, & inde resultantium morborum chronicorum periculum evadere.

Sunt hi omnes effectus, ubi præter jus fasque vena pertusa fuit, neque a phlebotomia ex indicatione sæpius & oportune administrata unquam talia profecta fuisse memini; quidquid enim in hoc negotio præstare possumus, id totum eo redit, ut ex effectu resultante, quem per experimenta & observationes institutas cognitum, compertum-

que habemus, concludamus ad eruendam veritatem.

Jamque fidem appello omnium medicorum, numquis eorum phlebotomiam larga manu, ac repetitis vicibus celebratam morbo inflammatorio laborantibus funestam fuisse unquam animadverterit, aut saltem sequelas mox allatas observaverit, quin imo tantum adest, ut se exinde deterius habuisse quererentur ægrotantes, ut potius quantum spissi & phlogistici humoris per V.S. decessisset, tantumdem novi roboris sibi accessisse ultra sponte faterentur. An non norunt omnes practici præmissis licet repetitis V. sectionibus evacuationes criticas, debito tamen tempore fuisse secutas.

Cæterum in re adeo manifesta opus non esse videtur, ut plura argumenta convincentia adducam; quare ad alteram indicationem progrediar.

Exantlato igitur V.S. negotio tumultuque concitati sanguinis ad debitum moderamen quadantenus revocato, id mihi demum supererat, ut spissum reliquum attenuarem, concretum resolvere, refrigerarem, putredini resistere; hinc
in

in propatulo est remedium, quod his indicationibus præprimis satisfacit, nitrum nempe, sal leve valde, saporis subamarescentis singularis, quod assumptum in corpus humanum facile solvitur, mire refrigerat, sanguinem attenuat, impetum retundit, partes animalium humidat, solidasve condit, & a putredine prohibet. Unde in omni morbo inflammatorio una cum densitate phlogistica sanguinis, est sal attenuans optimus, nimia acrimonia nequaquam lædens, nimio pondere nequaquam noxius, sitim nimis haud excitans, alcalescentiam salis humani, putrefactionem olei ejusdem certo & fortunato impediens, hinc vero nomine sal antiphlogisticus dicendus.

Cum sal polychrestus, lapis prunellæ, arcanum duplicatum ejusdem sint prospiciæ huc quoque referri merentur.

Itaque ad medelam faciendam accitus præmissa una vel altera V. S. sequens mixtura crebro in usu mihi fuit.

℞. Nitr. pur. Dr. ij.
Rob. Sambuc. unc. ij.
aq. Sambuc. unc. X.

C 3

Do-

Dosis erat omni bihorio duo cochlearia. Si gratius desiderabatur medicamentum, unciam unam semis Succu Citri addebam.

Post meridiem si alvus minus accurate responderet, enema refrigerans injiciendum præcepi, quodque durante morbo sæpius repetebatur, donec vis febris imminueretur, atque hoc quidem post sanguinis missionis apprime necessarium esse multiplici experientia comperi.

Vespertino tempore hanc vel similem emulsionem plerumque sumendam imperabam :

R. Semin. melon. unc. ss.
amygd. dulc. excorticatarum N^{ro} X,
f. cum aqua, vel decocto hordei
l. a. emulsio,

colaturæ unciarum vj.

adde Syrup. diacod. unc. j.

Decocti alicujus usum ægris pro libitu concessi, materiam subministrabant radices variæ, ut Scorzonæræ, graminis, acetosæ, alth. &c. hordeum, avena &c. ego vero frequentissime simplicissima mulsæ, vel hordei decocto cum Hypocrate utebar, cum autem per calorem

lorem liquidissimis dissipatis, reliquæ sanguinis partes magis lentescant, & in cohæsiōnem tendant, ideo addidi saponacea, solventia ut mel, oxymel, rob. ribesiorum, vel & alios Syrupos, quibus scatent officinæ.

Primis tribus vel quatuor diebus utile admodum erat, ut æger balneo pedum, cui flores samb. infundebantur, quotidie insideret, quo id effectum, ut lecti calore derelicto, auram caperet liberiores, simulque situ corporis erecto, humorum versus cerebrum ruentium impetus aliquomodo infringeretur.

Placenta aceto rosaceo madida, ter quaterve per diem aceto-madefacienda, capiti admovebatur, quo tum a morbo æstuantī gratum conciliaretur refrigerium, tum cephalalgia quandoque læva mitigaretur.

Tandem circa finem 4. diei epispasticum plantis pedum applicari curavi, quippe his irritatis impetus humorum versus partes inferiores revellitur, superiora facta tectaque conservantur; quantam autem efficaciam similia habeant, in avertendis humoribus, quotidiana docent observata practica, si

acuta phrenitide laborantis pedes involvantur pasta panis cum seminibus sinapitritis, sæpe intra paucas horas dolore & inflammatione hic ortis, levatur morbus, & resipiscere incipit æger.

In toto morbi decursu victus rationem injunxi refrigerantem, jura carniū sola pauco sale, aut cremore \square ri condita, aut cum acetosa decocta, quandoque sufficiebant viribus sustinendis, quandoque meraciora concedere debui, ut cremorem hordei, panatellam, quæ ex jure pullorum & saccharo cum succo Limonum aut aceto parantur, gustui gratissima erant: præstantissimum etiam efficitur alimentum ex jure panis cum saccharo & modico succo limonum.

In morbi decremento plenius alere ægrum oportebat, hinc hordeum mundatum vel oryza juri carniū incocta nutrimentum reficiens præbebant, quibus si addantur fructus horæi, maturi, & olera mollissima, habetur materia victus, qui competit febricitantibus. Videantur de his Comment. Illustriss. B. van Swieten de febre in genere.

Ad eundem scopum collimat frequens æris mutatio, quod quidem tanti est

mo:

momenti, in hoc morbi genere, ut si æger in cubiculi, lectique vaporibus veluti incarceratus perpetuo teneatur, neque largæ adeo Venæ sectiones, neque alia remedia utcunque refrigerantia ad ferociam symptomatum perdomandam, vel minimum aliquando sint profectura. Mirum sane est, quantum atmosphæra mutata ad orgasmum sanguinis effervescentis reprimendum, & æstum febrilem temperandum valeat. Idem multoties inculcat Sydenhamus, cunctosque medicos a calido regimine dehortatur.

Historia illius casus, quem refert de homine variolis correpto, cui paulo post phrenitis accessit, in memoriam revocari meretur, qui dum adstantibus mortuus videbatur, ne cadaver oleret, lecto eximitur, nudus mensæ imponitur, sicque modico hoc refrigerio subobscura vitæ indicia exhibet, mox in lectum projectus resuscitabatur, atque salutem jam plane desperatam diebus aliquot post consequabatur.

Memini elapsa æstate, mense nempe Augusto, in una eademque domo, in uno eodemque cubiculo decumbentes,

octo variolis detentos infantes meæ curæ fuisse commisos, unicus erat puer, reliquæ septem alterius erant sexus: omnibus variolæ regulariter prodierunt, ita tamen, ut tres ætate minores benigno admodum, discretoque genere laborarent, natu grandiores vero, tum cohærentia variolarum, tum reliquorum symptomatum numero & gravitate periculosius decumberent: curam antiphlogisticam omnibus administrabam, balnea pedum, lenia Clysmata frequentius in usum vocabam effectu haud poenitendo, plantas pedum sinapismo involvebam, liberrimam concessi aeris usuram, jam omnia felicem exitum promittebant; contigit nihilominus, ut cum natu majores gravioribus conflictarentur symptomatibus, parentes de salute prolium vehementer solliciti, & fors peritiæ junioris Medici minus confisi, suadentibus simul amicis, alium Medicum advocarent, qui me absente frigidum, ut agebat hoc regimen, quamque cepi curationem, si non aperte tanquam noxiam damnare, saltem plurimum improbare videbatur. Etenim illico fervido licet Coelo, januas

nuas claudere, fenestras obturare, variolosos magis tegere, aëris commercium evitare jubebat, neque hic sollicitudinis meta, sed dicto regimini pulveres bezoardicos cum Comphora mistos adjecit. Rebus perinde sic mutatis, & morbi facies sat cito immutabatur, binæ natu majores incaluerunt magis, anxietas admodum fiebat, somnum vix ullum capiebant, deliria ante non animadversa, jactationes, suspiria, urinæ suppressio accedebant; imo in natu maxima miliaria alba variolis hinc inde interferebantur. Parentes a morbo jamjam in pejusruente territi, 3. abhinc die me denuo accersebant, causam tantæ mutationis rogati, totum arcanum mihi candide exponunt, infirmamque sobolem meæ curæ lacrymosis oculis commendant. Cum omnia hæc symptomata justo calidiori regimini attribuerem, ad priorem medendi methodum revertendum esse monui, inque hac tamdiu esse pergendum, donec crustæ Variolarum emarcidæ factæ, & decedentes sanitatem paulo post adfuturam indicarent. Damno suo sapientiores redditi, parvere deinceps, vel
opti-

optime monitis , neque unquam post-
hac ab illa via , quam meliorem, tutio-
remque agnorum , abduci potuerunt.
Hinc omnes octo moderato hoc regi-
mine absque insigni remediorum appa-
ratu salvi evasere , & in hunc usque
diem illibata fruuntur sanitate.

In Nosocomiis , ubi major confluit
ægotantium multitudo , hæc aëris re-
novatio haud satis diligenter observa-
tur, dum metu refrigerii aut inani ex-
anthematum , si quæ adfunt, retroce-
dentium formidine , januæ , fenestræ
tota die clausæ servantur, omnesque ri-
mæ sollicitè occluduntur , adeo , ut mi-
randum neutiquam sit, si in similibus
locis morbi benignissimi in vere mali-
gnos degenerent , mitissimi in exitiales
sæpe numero adolescant.

Tertio demum symptomatibus aut
intempestivis , aut vitæ periculum im-
portantibus audacter erat obviam eun-
dum.

Non is sum , qui singulis Symptoma-
tibus a morbo exortis , medendum esse
censeam , probe gnarus , illa , quæ a
morbo tanquam causa dependent , hoc
expugnato , succisa veluti radice, spon-
te

te tolli, tantum id affero, talia subinde evenire in morbis phænomena, quæ sibi relicta, ægrotanti fatalia forent, nisi medicus omni artis adminiculo quantocius opitularetur.

Inter Symptomata autem, quæ hanc febrim inflammatoriam committabantur, opemque Medici exposcebant, præcipue eminebant hæc tria, nempe Diarrhæa cum ipso morbo coorta, Hæmorrhagia narium excedens, deliria furiosa.

Diarrhææ Symptomaticæ curatio.

SÆpe mecum anxie reputabam, num remedium existeret in ampla materia medica, quod diarrhæam a principio morbi acuti præsentem sine motu, aut calore auctis, sensim & tuto debitos intra limites reduceret? Succo enim papaveris, aliisque ex opio compositionibus, uti Theriac. Androm. Eleæthuar. Diascord. hanc protinus reprime-re, res non minus ardua, quam periculosa mihi videbatur, præsertim dum aliquoties observaveram, retenta subito alvo, per dicta opiata, ventres inflari, hypochondria attolli, febrim augeri,

geri, ægrum reddi magis anxium, diu rem volventi in mentem venit, bolus armena, terra odoris levis non ingrati, Saporis levissime aromatici & exsiccantis, acidum miro modo obvolutum gerens, sed deerat experientia, quæ titubantem firmaret, noveram quidem, terræ hujus medicatæ usum ab Illustriss. Boerhaavii commentatore Tom. I. Commentar. de morbis ab alcalino spontaneo ortis summopere deprædicationi, ubi ait: *Bolus armena latente acido putredini resistit, innocua lenitate, demulcet omnia: unde in Dysenteriis putridis tantum nomen habet, modo satis magna copia exhibeatur, uncia emulgendo quasi in libra aquæ diluta, dein cochleatim sumpta pulcherrimos præstat effectus: ubi ad pauca grana datur, nihil efficit.* Num vero in Diarrhæis Symptomaticis refrænandis tantam laudem mereretur, experiundum erat: itaque in simili casu constitutus, ubi diarrhæam Symptomaticam sensim sensimque retinendam judicabam, sequentis plerumque Misturæ duo cochlearia omni bihorio propinavi:

℞.

℞. Bol. armen. unc. fs.

Syr. Diacod. unc. j. fs.

aqu. flor. rhæad. unc. vj.

Inter usum hujus medicamenti aliquoties de die sequens enema injici curavi :

℞. Lact. Vaccin. unc. vj.

Syr. papav. alb. unc. j. β.

Ut scilicet materiæ acris intestina vellicantis, & ad frequentiore excretionem stimulantis, vim tanto securius conspirem.

Atque hac agendi ratione funesti hujus Symptomatis fere semper victor extitisti neque unquam, nisi rarissime eidem mixturæ Laud. liq. gutt. XV. aut XX. addere debui.

Hæmorrhagiæ narium curatio.

CUM hæmorrhagiæ narium caute mercandum est, ne quantocius, ubi largior fuerit summo cum ægri discrimine, & præpostere supprimatur. Alia longe res est, ubi limites debitos exceßerit, aut eousque progressa fuerit, ut vasis collapsis, extremis pallescentibus, pulsus debilis parvus, & inter-

termittens fiat, vires, vitamque, nisi extemplo illi frœnum injiciatur, auferre minitetur, tunc non tantum tuto, sed illico coerceri debet.

Itaque in eo præcipue curationis scopus versabatur, ut ægro præter supra præscripta remedia refrigerantia largiores exhiberentur emulsiões, quibus major quantitas Syrupi diacod. quam mihi alias consuetum erat, addebatur, tum enema refrigerans leniensque injici, pedes vero balneo calido immergi jubebam, brachia & femora ligaturis stringebantur, solutionem Vitrioli albi in aqu. rosar. factam ægri naribus attrahebant, illisque minime expectantibus, aquam frigidam in nucham conjiciebam, atque sic multoties fatalem alias futuram hæmorrhagiam compeisci.

At vero accidit nonnunquam, ut omnia hæc molimina cassa forent, tunc id agebam: Spongiam alchoole vini madidam naribus caute, lenteque imponebam, amplam cucurbitam nuchæ admovebam, atque ægro cyathum aquæ frigidæ, dummodo id morbi genius, aut febris deservescencia permitteret,

teret, hauriendum propinabam . Atque hac , quam proposui , via tuto semper metam attigi, habui quoque casus, ubi ter quaterve recrudit, effræne symptoma , semper eundem institui cursum, suffragante quidem ubique eventum felicitate.

Delirii curatio.

CUM æque a furibundo sanguinis impetu superiora urgente originem duxerit, facile patet, omnia illa, ante hac recensita, quæ sanguinis motum contemperando, revellendoque agunt, & hic profuisse, quibus si addantur vesicantia, tum furis, tum cervici applicata, habentur omnia, quæ symptomati huic mitigando aptissima fuerant. Silentio hic præterire nequeo, omnium certissimum ferocis delirii domitorem fuisse somnum, qui dum sponte obrepebat, fidenter asseverare licebat, ægrum paulo post ad sanam mentem rediturum: aut si arte, ut emulsionibus lenissime paregoricis, quiete corporis & animi, locique obscuritate irvitari poterat, eventus idem expectandus erat.

D

Enar-

Enarravi hucusque originem, causas, symptomata febris inflammatoriæ, quæ hoc anno potissimum dominabatur, tum morbi curationem, atque symptomatum adjunxi, jam amplissimus sese panderet campus, de illis affectionibus differendi, quæ quidem ratione sui ortus ejusdem profapiæ esse videntur, sed ratione partis affectæ peculiare nomen sortiuntur a medicis, ut inflammatio Pulmonis *Peripneumonia*, Pleuræ *Pleuritis*, Hepatitidis, *Angina* &c. sed cum de his tot alii in arte præstantissimi viri egerint, integra volumina conscripserint, pulcherrimisque observationibus dicta sua illustraverint, satius esse judicabam, hic loci filum abrumpere, omnesque determinatæ partis morbos sicco transire pede, ne jam scripta tantum retexere, aut plane aliorum scripta ineptus describere videar.

Enimvero de illis solummodo morbis mihi agendi est animus, qui mihi in praxi rariores, adeoque annotatu digniores occurrebant.

Inter hos autem præcipue erat inflammatio Ventriculi, febris catarrhalis, benigna & maligna, quæ ultima ob comites

mites plerumque maculas quibusdam petechialis dicitur.

Inflammatiō Ventriculi, licet pertineat ad morbos determinatæ partis, quorum me non comminisci, paulo ante promiseram, tamen ob particularem, a qua duxit originem, causam, & ob singularem, quam sibi vendicabat medendi methodum, hic loci commemorari meretur.

*De inflammatione Ventriculi ab
aëre Nosocomii exorta.*

Disceptatum sæpe numero fuit inter illos, qui medendi scientiam profitentur, num ventriculus æque ac reliqua corporis viscera inflammationi suscipiendæ subjectus foret nec ne? quidam affirmative, quidam negative respondebant.

Qui hunc æque frequenter, ac reliqua corporis viscera inflammari crediderunt, ejusdem situm, structuram, atque haud dissimilem vasorum decursum pro fundamento adstruxerunt, qui vero contrariam tenebant sententiam, mucosum, latera ventriculi undique obducen-

tis, copiam veluti causam impediētem in medium adduxerunt.

Quidquid sit, id certissimum esse videtur, ventriculū æque, ac reliquas corporis partes inflammationi esse obnoxium, naturam nihilominus provide egisse, dum internos ejus parietes blanda, eaque lubrica mucagine ditaverat, ne scilicet quotidie etiam a levissima causa, & frequentissime inflammaretur, quamvis etiam fatendum sit, morbum hunc sæpius forsan occurrere in praxi, non vero probe discriminari, ab inflammatione partium vicinarum.

Si vero ventriculi inflammationem a quacunque causa exortam, hic describere anniterer, actum iterum agerem, cum ubique apud autores præcipue recentiores vivis coloribus depictus reperitur, tantum fert animus, hunc morbum, qualem perfrequenter in meo nosocomio observavi, & ob hanc causam a me sortiebatur *morbi nosocomii* appellationem, hic leviter adumbrare.

Potissimum aggreditur illos, qui diu multumque versantur in nosocomio, raroque mutata fruuntur aura; idcirco custodes ægrorum, illique milites, qui
ob

- ob plagam vel & ulcus, alias fani, diu ibi morari coguntur, vel maxime hoc tentantur malo. Maxime vero sævit in illos, quos animi ægritudo, uti amor patrii soli, derelictæ prolis continua recordatio, vitæ militaris horror, & tædium nosocomio intulere

Causa hujus mali videtur esse aër nosocomii alienis inquinatus particulis, tum respiratione, tum deglutitione haustus, non enim aliam hujus morbi originem sollicito licet examine instituto hæcenus detegere potui; quid enim mirum? dum cubilia ægris militibus dicata complectuntur centum triginta lectos, qui quandoque omnes pleni; varia utique occurrunt morborum genera, acute laborantium numerus nonnunquam insignis est; porro certissime constat, omnia corpora exhalare, hinc aëra similibus effluviis contaminari necesse est, quæ in corpus assumpta, sese assimilari neutiquam patiuntur, adeoque manent cruda & acria, acredineque sua irritant & inflammant ventriculum.

Quod hic assero, non adeo mirum videtur, cum inconfesso sit apud omnes, dari acria in aëre, quorum acri-

monia sensibus quidem non detegitur, quæ tamen latente suo stimulo, vixque domabili, pessimas inflammationes procreare possunt.

Jam hoc suboluit Sydenhamo, dum ait cap. 1. de morb. acut. in gener. *quosdam morbos a secreta, & inexplicabili aëris alteratione hominum corpora insipientis progigni, non vero a peculiari sanguinis & humorum crasi dependere.* Et alibi ejusdem observata suadere videntur, contagium ex aëre attractum sæpe radices quasi figere in ventriculo, quod nisi in tempore per sudores difflatum fuerit, validam ibi producere inflammationem.

Adeo malitiosum nempe est subtilissimi fluidi aërei virus, ut, ubicunque locorum confederit, malignitatis suæ notas imprimat parti, haud raro pertimescendas.

Adoritur autem plerumque hic morbus cum appetitu abolito, gravitatisque sensu circa cordis scrobiculum, tum horrores accedunt vagi, quos excipiunt calor major, sitis, Cephalalgia, verbo: febris acuta continua.

Postero die sese jungunt fastidium omnium alimentorum, nausea, vomituri-

turitiones continuæ, nunc cum, nunc sine effectu, febris major, dolor circa scrobiculum cordis, inquietudo, virium dejectio.

Tertio anxietates summæ, perpetua situs corporis mutatio, vomitus materiæ biliosæ viridescens perpetuus exagitant, lingua humida, sed sordida est, dolor & ardor circa cordis scrobiculum intensus, vel levissimum horrent attatum, voluptas bibendi ingens, sed mox haustorum rejectio consequitur, pulsus celer, & durus est, respiratio ratione ventriculi affecti difficilis & dolens, urinæ intense rubent.

Quarto eadem urgent Symptomata, nisi quod in graviore malo deliria, tendinum subsultus, somni perturbati, vel & agrypnæ tanquam cumulus ad priora accedant.

Cum his symptomatibus luctatur plerumque natura ad septimum usque diem, quo vomitus, & febris facta benigna resolutione remittunt, raro nonum excurrunt, vel & pertinacior affectus trucidat, dum convulsiones a doloris acerbitate abortæ (moris genus atrox & calamitosum) vitæ finem imponunt.

Morbus hic in ipso exortu, id est 1^{mo}. vel 2. die agnitus facile medelam recipit, sæpe numero enim sudorifero auscultat. Si vero jam triduum excessit, difficilius longe tollitur.

Methodus medendi.

OMnium perfectissima foret curatio, quæ virtute immediate opposita causam tolleret; sed ex dictis patuit morbum hunc unice deberi singulari aëris diathesi, quam contraxit ex exhalationibus tot, diversissimorumque ægrorum, adeoque speciem hujus occultæ alterationis neutiquam determinari posse, hinc & clare elucescit, medicum, qui morbi causam, quam in suis proprietatibus ignorat, certo quodam remedio expugnare satagit, sæpe numero titubare, quandoque penitus cæcutire, & nisi experientia, ceu filo ducatur, ad similem morbum profligandum multoties aberrare non sine ingenti ægrorum discrimine. Veterum ergo vestigia in simili casu pressim sequenda sunt, qui eam solam methodum, quam experientia multiplex com-
pro-

probavit, tanquam tutam ad similem morbum curandum adoptarunt. Fidei igitur hac duce, illud, edoctus fui, curationis scopum in binis versari, vel enim illud, quod morbi fomitem constituebat, protinus dissipandum erat, antequam radices ageret; vel stimulus ille jam fixus, morbumque augens obvolvendus.

Ut itaque prima morbi rudimenta vel in ipso exortu succiderentur, fudoriferum leue diluens, non inflammans, ægro ad lectum composito stragulisque tecto propinandum erat, sequens plerumque exhibui :

℞. Lap. cancror.

Nitr pur.

rad. Contrajerv. a gr. X.

Camphor gr. jv.

misc. f. pulv. pro dosi, superbibendo infusum

heder terrest. vel aliud simile.

Multos hac agendi ratione restitutos novi, vidi; mihi ipsi contigit aliquoties; dum solito diutius versari cogerer in hoc aëre, quod Symptomata paulo ante recensita lento gliscerent pede, haudque leve futuri morbi, a me to-

ties visi & curati periculum minitarentur; sed dicto hydrotico assumpto me hucusque ab hoc mali genere salvum, factumque præstiti.

Equis enim est medicorum, qui ignorat, diæta, abstinencia, provocatisque prudenter sudoribus, acutissimos etiam, qui jamjam imminet, morbos quandoque felicissime a nostris cervicibus propelli.

At ubi morbus jam fixus insignem induxit inflammationem, alia longe, eaque operosior medendi methodus requirebatur.

Primo quidem sanguinem pro ægro- tantis viribus ac temperamento detr- here necesse erat, quem crusta semper contexerat dura, densaque, quarta V. S. suffecit plerumque sufflaminando morbo, & nonnisi raro frequentius celebrari debuit.

Hoc factò remedia topica erant applicanda; hinc fomentum ex herbis emollientibus ut Malv. Alt. Verbas. flor. Sambuc. regioni epigastricæ admovebatur: tum causæ agentis vis omni molimine infringenda erat, sequentia
opti-

optime profuisse constanti eaque multiplici observatione comperi:

℞. Ol. amygd. dulc. rec. presf. unc. ij.

Syr. Diacod. unc. j fs.

Sumat omni bihoriq unum cochleare.

His adjungere oportebat decoctum meracum ex Alt. Malv. Verbasf. Syrup. ex iisdem confecto edulcoratum, quod ægris pauca, sed repetita dosi exhibendum erat.

Fuerunt nonnulli inter ægros, qui hoc decoctum omnino averfabantur, his simplex infusum ex flor. Sambuc. & papav. Rhead. non sine successu offerebatur.

Quo autem commendatiorem reddam hanc medendi methodum, casum Chirurgiæ assistentis, cognomine Kraus, ceu specimen integræ hujus praxeos hic subnectam.

Juvenis 23. annor. diu multumque inter ægros acute decumbentes versatus, anno 1759. incidit in hunc morbum, cum his Symptomatibus: leves horripilationes sæpius de die repetentes hominem adoriuntur, quibus succedit calor modo major, modo minor, nunquam tamen intensus, membrorum languor, os

ama-

amarefcens, anxietas, naufea perpetua, tandem vomitus materiæ viridefcantis, uri fe fentit, doletque attactus circa fcrobiculum cordis, pulfus ipfi eft celer & durus, respiratio denfa, difficilis & dolens, quam tamen non ex pectoris vitio, fed ventriculi affectu impediri multoties teftabatur æger, fitis erat multa, lingua mucagine albicante obducta, oculi triftes, vomitus perpetuus &c.

Diéta medendi methodus hanc Symptomatum catervam fat cito difpulit, ægrumque paucis diebus poft integræ reftituit fanitati.

Idem æger die 4. Februarii 1760. ex eadem prophafi, eodem prorfus corripitur morbo, iisdem affligitur Symptomatibus: diu noctuque naufea, vomitu, fiti, vigiliis cruciatur, quinto die anxius admodum jam deliravit, in fronte & vultu largo maduit fudore, tendines fulfiliebant &c. Decoctum ex rad. Alt. Fol. malv. &c. non tulit, hinc in ejus locum infufum florum fambuci, cum floribus Rheados furrogari debuit, quod magna cum voluptate haufit, atque reliquis

liquis adminiculis simul in opem vocatis intra novem dies solpes evasit.

Porro advertendum, 1. hunc juvenem intra biennium a causa scilicet inibi perennante bis eodem morbo fuisse prehensum, bisque eadem methodo liberatum, adeo, ut indubitatum videatur hanc medendi rationem in hoc morbi genere reliquis omnibus palmam præripere, prout & id in multis aliis expertus fui.

2. In morbo summe inflammatorio nitrosa, antiphlogistica tantum alias usus, hic penitus fuisse prætermissa, solaque emollientia, oleosa commendata, quippe sedula mentis applicatione didici, hæcce remedia nocumenti plus, quam emolumenti attulisse. Etenim salino suo stimulo immediate, dum agunt in partem affectam, hanc irritant, vimque morbi insigniter exasperant.

Jam hoc innuit Illustriss. Boerhavii Commentator cap. de inflammatione ventriculi, ubi asserit, a *minimo acri irritari inflammatum ventriculum, & augeri omnia mala, ideo remedia antiphlogistica nitrosa, licet merito laudentur tanquam optima in curatione inflammationis vix convenire,*
vel

vel tantum adeo diluta, ut oculus non lædatur ab his instillatis.

3. Universales corporis evacuationes, quæ præstantur purgantis pharmaci, aut emetici assumptione, semper noxias, & quandoque lethiferas fuisse.

Unicum infelicis medicationis exemplum in medium afferre libet. Miles 27. annor. fortis alias & robustus, ab exercitio militari fatigatus, & sitibundus ingurgitat vini frigidi bonam quantitatem, paulo post sentit horrores, per universum corpus vagantes, calorem majorem, dolorem capitis, aliaque inchoantium febrium Symptomata. Postero die cuncta eundo crescebant, simul nausea, vomitus, angustia & ardor circa præcordia fociantur, hinc actutum vena solvitur.

3. Morbi die Symptomatibus nedum remittentibus, ingeritur ægrotanti pulvis albus, parva admodum dosi, qui haud dubie ☐ emeticus fuerit, unde octies valide vomuit, & decies novies per alvum deiecit.

4. Ingravescente licet plurimum malo auxilii inops jacuit.

5. Infertur nosocomio; pulsus ipsi debi-

debilis parvus celer est, respiratio multum impedita, ardor circa cordis Scrobiculum vehemens, nausea continua, vomitus tamen rari, profluvium alvi continuum, somnus nullus aut brevis, deliriis interruptus, lingua siccissima, vires omnino dejectæ.

Rebus sic stantibus blanda emulsio ex semin. melon. Cydon. amygdal. dulc. parata ægro vita periclitanti offertur, infusum flor. papav. rhæad. simul additur, vesicantia admoventur cruribus, ventriculo epithema, intestina enematis emollientissimis foventur, sed omnia effectū cassā erant.

7. Die delirus & convulsus obiit.

Die 17. Septembris 1760. aperui cadaver, in quo sequentia inveni: remotis integumentis communibus ventriculus & intestina tenuia magnopere distenta cernebantur, hinc inde lata admodum plaga, rubentia, inflammata, præcipue fundus ventriculi, & intestinum ileon in toto fere sui decursu insignes funestæ inflammationis prægressæ notas gerebant.

Crassa suam servabant stationem, Colon diametro sua solito angustius reperiēba-

riebatur. Alia vero tum thoracis, tum abdominis viscera integerrima videbantur, adeo, ut pronum esset concludere, emeticum imprudenter exhibitum inflammationem jam ante præsentem tantopere auxisse, ad intestina propagasse, citæque mortis causam exititisse.

Febris Catarrhalis.

A Utumno fere ad finem properante caput quoque extulit febris, quam Medici vulgo catarrhalem vocare solent, absque dubio. a Symptomate, inter cætera, quæ hanc febrim comitantur, potissimum eminente, latius dominari tempore vernali, viresque suas intendere cœpit, ita ut multa militum manus hac febre laborans in Nofocomio decumberet.

Eadem temporis inconstantia, eadem manifesta aëris crasis hujus febris ingressui haud dubie viam sternebat: quippe cum veris initium crebris permauisset imbribus, quos frigidi postmodum exceperunt venti, cumque Sanguis noster tempestati sese accomodans, particulas crudas, atque aquosas affatim

tim inbibisset, transpiratione per cutis spiracula a frigoris mox iterum subsequents insultu cohibita, fieri non poterat, quin similes quoque febres hac plerumque origine nasci solitæ, magis magisque increbrescerent.

Cæterum cujuscunque ætatis, sexus, victus rationis homines hæcce febris eodem anni tempore invasit, nullos autem, vel paucos admodum peremit, & qui inde moriebantur, graviter ægrotabant. Hinc nata est celebris illa distinctio in *catarrhalem benignam* & *malignam*, eo quod mitiora primam speciem, alteram graviora concomitarentur symptomata, quibus per sæpe exanthemata jungebantur. Primo de benigna, postea de maligna dicendum erit.

Benigna sanos alioqui degentes homines adoritur, cum aliqua lassitudine, artuum omnium languore, gravitate capitis, sæpius cum his est Cephalalgia insignis, molestus in naribus, faucibus, pectore, & lumbis sensus, tum respirandi angustia, ac vocis raucedo junguntur, mox horror, febris, tussis invalescunt, quæ licet per diem leviora sint, vesperscente die auctis quasi viri-

E

bus

bus lacesunt, novi tunc recurrunt horrores, quos æstus consequitur intensior, sub quo & reliqua symptomata plus minusve intenduntur.

Primis diebus sicca tussis atque vehemens sine sreatu fatigat, verum inchoato coctionis opere, sputum redditur copiosum, lentum, viscidum, quandoque tenue & aquosum, donec tandem coctione ex integro facta, puriformem induat naturam, quo bene procedente tussis & spirandi difficultas plurimum remittunt.

Terminatur hæc febris benigna 4. 7. aut 9. plerumque die, rarissime 11. aut 14. attingit, nisi prava curatione in malignam fuerit conversa.

Judicatur autem perfecte sputo copioso, facili, puriformi: aut sudore critico: aut alvi fluxu: aut urina hypostatica.

Aliquoties etiam vidi scabie per universam corporis superficiem enata, hunc morbum radicitus fuisse sublatum.

Curandi ratio.

TUtissima ut procederem via , has mihi duntaxat proponebam indicationes : nimirum vasa exhalantia a frigore constricta referare oportebat, humores vero diluere & attenuare, vasaque sic disponere , ut facillime illos transmittere possint: tum simul leni stimulo aromatico multa aqua diluto, ad blandam diaphoresim tanti in his morbis usus disponere corpus. Idcirco sequentem institui curationem.

1. Cubiti venam tundebar, si plenitudo vasorum, ægri juvenus & vires id suadebant, sæpius etiam intermittebatur , nulla nempe urgente necessitate.

2. Ægrum hoc morbo detentum in aëre tepido locatum volo.

3. Victum præscribo ex solis carnis vitulinæ jusculis , quibus Chaerefolium cum fructu incoqui potest.

4. ab omni acri, salso, aut indigestibili cibo , ab usu denique carniū , ut abstineant , serio hortor.

5. Nares, os internum, fauces, aquæ tepidæ halitu fovere jubeo.

6. Medicamenta exhibeo sequentia:

℞. Stib. diaphor. non ablut. Dr. j.

Oximel scillit. Dr. vj.

Syr. quinque rad. unc. j.

Dosis omni trihor. duo Cochlearia.

Potum etiam aquosum tepidum, leviter aromaticum magna copia sumendum impero: sequente plerumque utor:

℞. Rad. Bardan. unc. ij.

— Alth. unc. β.

Bull. in f. q. aq. per $\frac{1}{2}$ horam sub finem coctionis adde

Ligni Sasaph. ras. unc. j.

digere fervide per $\frac{1}{4}$ horæ colatur

Lib. iij. adde

Nitri antimoniati. Dr. j.

Syr. quinque radic. unc. j. β.

M.

His omnibus conspirantibus benigna sæpe numero obtinetur morbi resolutio aut quod frequenter etiam accidit, salutare pravæ materiæ evacuationes per dictas vias consequuntur.

Ca-

Catarrhalis maligna.

HAud dissimile exordium a priori habuit maligna catarrhalis, quippe eadem prophali genita, vix non eodem symptomatum agmine stipata incessit, pejora tantum, pertinacioraque, quo nomen malignitatis certius mereretur, veluti comites sibi adscivit; hæc inter præcipue eminebant ingens virium prostratio in ipso morbi principio, debilitas pulsus, erumpentes petechiæ, deliria sæva, agripniæ, quotidie, vel & alterno die contingens symptomatum exacerbatio.

Nonnunquam fallaci adeo lenitate aggrediebatur, ut morbum latere vix crederes; etenim præter languorem artuum, dolorem capitis, tussiculam continuam irritam, levem pectoris oppressionem, mitissimamque febriculam nihil erat, quod culparet, ast circa 5. vel & 7. diem evolvebatur serpentis maliminera, larvaque lenitatis deposita, timendam malignitatis faciem ostentabat. Jam hinc inde conspiciebantur papulæ, sive puncturæ pulicum moribus

similes, quibusdam latiores, aliis minores, universum corpus quibusdam, majori tamen ex parte regionem thoracis & dorsum circa medullam spinalem occupantes, quamvis frequenter etiam juxta scapulas in brachiis & extremitatibus apparerent, coloris læte rubri sæpe numero, saturi quandoque, in moribundis in lividum tendebant.

In toto morbi progressu lassitudo corporis; insignis virium & animi dejectio, fastidium ciborum, horrores, versus vesperam recurrentes, quos validus excipiebat æstus, aderant, inquietudo, tullis ferox, noctes insomnes, cephalalgia, deliria, anxietates mirum in modum exagitabant ægros, pulsus hic erat debilis, celer, inæqualis, respiratio molesta & anxiosa, urinæ crudæ, quibusdam accesserunt subsultus tendinum, syncope, perfrigeratio extremorum, maculæ purpureæ, & his mors certa portendebatur.

Salutem promiserunt circa, vel in diebus criticis erumpens sudor tepidus, liberalis, per universum corporis habitum, alvus per aliquot dies fluxa, urina turbida cum sedimento crasso copioso,

pioſo, ſputum puriforme, auditus 11.
vel 14 die obtuſior factus, pulſus mol-
lis, magis æqualis, animus erectus.

Ratio medendi.

Curationis exitus ſive lætus, ſive
funestus ab ea potiſſimum, ſi non
in ſolidum, ratione pendeat, qua æger
primis morbi diebus tractabatur, enim-
vero in morbi limine, dum quis regi-
men calidum, calidioraque imperat
cardiaca, ut ſcilicet morbum præpro-
pere depellat, nihil præſtabit aliud,
niſi ut cruoris particulas plus juſto in-
cendat, febris vehementiam adaugeat,
& denique denſiſſimam exanthematum
ſegetem producat, cum quibus quaſi
in campum eductis, non minus, quam
cum ipſo morbo decertandum erit.

Et protecto ſi in ullo morbo, tunc
certe in hoc frequentiſſime præpoſtera
medicatione proliciuntur exanthemata.
Altiffime enim inſidet omnium animis,
morbum a frigore, adeoque ſuppreſſa
perſpiratione exortum haud tutius,
quam ſudoriferis abigi poſſe. Hinc be-
zoardica, alexipharmaca, crocus,

myrrha, confectio Alkermes & alia ejusdem farinæ sine discrimine in usum vocantur; quibus efficitur, ut sanguis horum stimulo validius commotus, crudam adhuc morbi materiam in superficiem cutis evomat.

Num quid in hoc morbo verissimum est, exanthemata esse nunquam critica, sed semper symptomatica? quippe morbi magnitudinem levant nunquam, augent frequentius.

Dum illa recolligo, quæ hoc anno penes ægrotorum lectos notaveram, hanc quæstionem pulchre confirmari video. En indictorum veritatem binos casus.

Miles 24. annor. 15 Martii 1760.
4. morbi die ingreditur Nosocomium; febris continua cum ingente dolore capitis ad tussim exasperato, reliquaque symptomata feбри catarrhali communia aderant, nihil medelæ hucusque adhibuit, confestim itaque detrahitur sanguis ex brachio, parum phlogisticus, atque vesperi ob febris & cephalalgiae augmentum iteratur, & quidem ex pede, antiphlogistica interne dantur, exter-

terne fots ex aq. sambuc. & acet. rosarum dolenti capiti admovetur.

5. Denuo vena secta fuit, sanguis iterum gerebat crustam lardaceam, sed tenuem, inde Cephalalgia mitior utcunque, sed vesperi post horripilationes recruduit eadem sævitie, nox erat infomnis, anxietas & inquietudo magna, tussis multa, sed irrita, pulsus celer & parvus, bis de nocte, ter de die alvum posuit liquidam, fuscam.

7. Sibi melius valere videbatur, oculi tamen erant turbidi, appropinquante nocte dolor capitis, febrisque intensior revertebantur.

8. Pulsus multum febrilis, respiratio anxia & frequens, sitis multa, tussis cum sputo glutinoso, alvum semel posuit, soporosus est; petechiæ hinc inde apparent. Vesicantia furis applicata sunt.

9. Noctu deliravit multum, dormivit nihil, urina nubeculam suspensam gerit, alvus fuit frequens. Vesicantia bene operata sunt.

10. Dolor capitis idem, auditus obtusus, angitur pectore, pulsus celer & inæqualis est, petechiæ læte prostant,

oculi sunt tristes, urina cruda, alvum quinquies posuit.

11. Caput grave est, dormit sæpe somnum brevem, pulsus non adeo celer, attamen inæqualis, respiratio celerior naturali, attamen facilis, anxietas minor, tussis cum sputo laudabili, urina cruda, sed minus colorata; alvus est frequens, sed levans morbum, petechiæ disparere incipiunt.

12. Diarrhæa continuat, septies enim alvum posuit cum levamine, pulsus & respiratio emendantur, somnolentus est, madescit cutis, miliaria alba pauca in conspectum prodeunt.

13. Noctu sudavit multum, pulsus inde bonus, parum tamen febrilis; de die bis, noctu quinquies alvum posuit; præter gravitatem capitis, & auditum obtusum se bene valere asserit.

14. Pulsus & respiratio bona sunt, quinquies alvum posuit cum levamine, multumque sudavit iterum, jam appetit, paucissima adsunt miliaria.

17. Jam pristinæ sanitati sese restitutum lætabatur.

Homo 48. annor. antehac ludimagister, nunc miles factus, a suis commilito-

litionibus lepide divexatus vehementi ira excandescit; contigit hoc 3. Aprilis 1760. bilem pulsus, mentemque ad serenitatem reducturus, bonam quantitatem cremati abligurivit, mox incallescit, laborat capite, in ventriculo dolores ardentes percipit; jam minus recte valens lectum petit; Vesperis post levem exhorrescentiam sequitur intensus calor, qui duravit per totam noctem.

Altero mane, nescio, quo suadente fumit purgans, a quo decies vomuit, & catharres habuit viginti octo.

6. Aprilis, id est inchoante quarto morbi die deferitur ad nosocomium. Respiratio tunc erat sat libera, pulsus vero celer & contractus, tussis aliqua cum sputo, rubebat multum in facie, cumque haberet corpus torosum, fucis bonis plenum, eodem die ipsi detrahuntur unciae octo sanguinis quo ad colorem & consistentiam boni.

4. Quinquies alvum posuit, dolores infimi ventris simul conquerébatur, quos enema ex oleo lini injectum omnino consopivit.

5. Respiratio libera, sed frequens pulsus celer & parvus erat, dolor cir-

ca

cuit aphonus, labia livescabant, nec alvum nec urinam dimisit, vesicantia ficca sunt, petechiæ obscuriores, noctu hora undecima tremulus & convulsus obiit.

Exinde mihi subest contemplari, exanthemata morbiis acutis supervenientia raro aut nunquam, licet contrarium vulgo credatur, esse critica, in primo enim casu, nec die critico, nec cum levamine prodierunt, in secundo critico quidem die comparuerunt, sed symptomatum ferociam auxerunt.

Eandem sententiam Lud. Godfr. Kleinius in suo interprete clinico 1753. Lipsiæ edito, quem Albertus de Haller pulchra ornavit præfatione, jam tenuit, ubi ait: *Exanthemata sunt simplex accidens & symptoma, nec critici quid nec salutis spem faciunt.*

Si quis enim antecedentia, & phænomena concomitantia in ægris studiose collegerit, dein eruptionem exanthematum, sequelasque gnaviter expendit, non poterit non plerumque symptomata pronunciare. Idem docent bini casus modo allati, pluresque alii,
quos

quos Clariss. de Haen in parte 5. ration. medendi communicavit.

Sed, ut redeam, unde digressus sum, curandi modum brevissime exponam.

Igitur, cum omnia, quæ huic morbo accidunt symptomata, mature mecum pensitassem, eaque cum illis comparassem, quæ in catarrhali benigna adsunt, differentiam proinde in accidentium solummodo quorumdam atrocitate animadvertissem, eadem prorsus methodo mihi procedendum esse existimabam, qua in catarrhali benigna usus fueram.

At vero, ut ægrotantium viribus in hoc morbi genere, sæpe plus æquo projectis, quodammodo consulere, ferum lactis cum vino paratum adjugebam, imo & sequens mistura in morbo satis difficili sæpius summo cum profectu a me præscripta fuit.

℞. Camphor gr. xxiv.

mucilag. gum. arabic. Dr. i. ℞

Diu tritis & subactis adde Syr. Diacod.

unc. i. ℞

aq. still. meliss. unc. vj.

Queis debilitas, jactationes assiduæ, tendinum subsultus vix non extrema mi-

minitabantur, hoc remedium sæpe numero optatæ salutis spem attulit.

Neque ultimum locum merentur sinapismi aut vesicantia, quatenus exuperantem materiam catarrhosam dividere, attenuare & a cerebro derivare egregie juvant, deliria quoque compescunt, robur virium restaurant, pulsum oppressum excitant, denique crissim molienti naturæ suppetias ferunt.

An vesicantia mature applicata copiam exanthematum erumpentium diminuunt? hoc a multis perperam credi nequaquam ignoro, sed praxis me docuit primis licet diebus vesicantia fuissent admota, exanthemata nihilominus confertim texisse habitum corporis.

Quæri hic loci potest, an quoque cortex peruvianus olim tantopere laudatus in hac febre petechiis stipata conduxerit, nec ne? huic quæstioni tanto lubentius respondeo, quanto scio certius, permultos medicorum in similibus morbis a cortice peruviano, tanquam a fatali toxico abhorrere, atque contra ejus usum quacunque data occasione immaniter debacchari, sed in practicis non vana imaginatio, nec præconcepta opi-

opinio nos rapere debet, sed sola & fidelis experientia loquatur oportet.

Demonstravi anno elapso in historia medica febris petechialis, quæ ab anno 1758. fere finiente usque ad annum 1759. Viennæ grassata est, nihil æque profuisse, quam corticem, quod & hoc anno pluries confirmatum vidi, præcipue morbo vere maligno existente.

Chirurgiæ assistens Brochart alias sanus, & vegetus juvenis, munus suum rite obiturus, continuo inter ægros, quorum hinc inde quidam petechiis, quidam miliaribus aut aliis gravibus morbis affecti decumbebant, versari cogeatur. Die 23. Martii 1760. sensit subitanam omnium virium prostrationem, lassitudinem summam, appetitus erat adiaphorus, caput grave, tussis continua, lingua humida sed alba, pulsus & respiratio a naturali statu vix recedebant: versus vesperam subrepere horrores vagi, sæpius repetentes, quibus successit calor solito major, non tamen perdurans.

Alterâ die vena aperta dedit sanguinem omni nota bonum, stabant hæc symptomata fere per biduum sine notabili

bili mutatione nec in melius, nec in pejus.

Finiente 3. die denuo invadunt horripilationes, quibus succedit calor intensior, pulsus augetur velocitate & durtie, respiratio difficultate, plus dolet caput, tussit frequentius, vires summo-
pere labefactatæ sunt.

4. Die V. S. instituta exhibuit sanguinem phlogisticum, qualis & 5. die detrahebatur.

6. Ad moderandos capitis dolores, humoresque a cerebro revellendos, in pede celebratur, symptomata vero neutiquam mitigantur, quin augentur potius, versus vesperam fit anxius, pulsus celer & inæqualis, turbantur oculi, absurda loqui incipit, paucæ apparent maculæ.

7. Collum, pectus, dorsum, & extremitates confertis scatent petechiis, profunde rubescentibus, sat latis & longis, vibicum instar, reliqua manent in eodem statu.

9. Tussis urget, sputum paucum glutinosum reddit, pulsus celer & inæqualis est, respiratio difficilis, delirat sine intermissione, alvum ter posuit.

F

11. Pe-

11. Petechiæ numero pauciores, & colore obscuriores videntur, lingua sicca est, fitis ingens, urina cruda sine hypostasi, alvum 5. posuit, multum deliravit, vires admodum dejectæ.

12. & 13. Continuavit diarrhæa sine euphoria, cumque alia quoque deterima symptomata perseverarent, crescente simul debilitate, extracti corticis Peruviani unc. j. singulis 24. horis ægro sumenda dabatur.

14. Nox prægressa anxia valde, & insomnis fuit, multum deliravit, urinam reddidit aquosam, sexies deiecit per alvum, illucescente die adhuc deterius habuit, pulsus est inæqualis & intermittens, respiratio densa, anhelosa, cita, frigescunt extrema, pallescit vultus, sudor gelidus occupat frontem, rotantur oculi, subsiliunt tendines, convelluntur muscoli faciei, pulsus evanescit fere, deficit animus, jam jam moriturus videtur.

Sed quod summopere demirandum, sopita convulsione sensim recalescit corpus, jamque desperata redit vita. Strenue in usu corticis, me hortante con-

continuatum est, versus vesperam miliaria tum rubra tum alba cernebantur.

17. Melius utcumque valuit, somnum capiebat sed brevem, non sine deliriis, functiones vitales non adeo oppressæ sunt, totum corpus confitum est miliari exanthemate.

20. Febris moderatior, respiratio liberior, dormivit aliquot horas noctu, subdelirat, lingua antea sicca incipit madescere.

24. Intumescere nares & facies erisipelatofo tumore, iterumque magis delirat, alvum non posuit, sed flatus dimittit, sitis magna, respiratio tantum per os, per nares nulla, hinc lingua denuo sicca, sed egregie bibit.

27. Magis tumuit facies & nasus, bene dormivit, & sudavit multum, respiratio jam bona est, pulsus adhuc febrilis, urina naturali simillima cum nubecula fundum petente, tussis cocta egerit, siccantur miliaria.

28. Hæmorrhagiam narium patitur ad unc. iv., sudavit uberrime, alvum ter posuit liquidam, flavam, tumor faciei minuitur.

29. Paucae cruoris guttæ denuo na-

F 2 ribus

ribus prodeunt, sequitur sudor copiosus, alvus frequens cum levamine, disparet erisipelas.

34. Appetit multum, seque quoad omnia fat bene valere lætatur.

Per quatrimum sanus ab alimentis avidius ingestis, recidivam patitur, quam purgans lene bis repetitum intra paucos dies perfanavit.

Malignitate symptomatum non absimilis erat casus militis novitii, quem 18. Aprilis 1760. febris catarrhalis prehendat.

20. Ann. natus consuetis obruitur febrium symptomatibus, 3. morbi die ingreditur nosocomium, queritur lassitudinem summam, frigus & calorem alternantia, anxietates, sitim ingentem, nauseam, vigilias permolestas, caput a principio morbi vehementer doluisse, sed largissima narium hæmorrhagia per horæ spatium durante, dolorem mitigatum fuisse narrat, neque excitari crudele malum, nisi tussi, tumque dolores sese sentire pungitivos: cæterum oculi sunt turbidi, lachrymosi, nares obstipatae, pulsus celer, plenus, non durus

durus, respiratio sat bona, alvum a biduo non posuit.

Eodem hoc die, morbo adhuc crudo existente administratur phlebotomia: enema injicitur refrigerans cum effectu: antiphlogistica interne dantur.

Febris moderata, respiratio naturali celerior, dormivit parum, lassitudo eadem, lingua sicca, calet & dolet capite, alvum semel habuit.

5. Respiratio sat facilis, pulsus autem celer & contractus, lingua humida est, sitis tamen ingens, jam apparent petechiæ, profusam narium hæmorrhagiam iterum passus est mane, quæ vespere denuo recrudit, inde caput levatum, sed vires debiliores: idcirco ad tantam cruoris jacturam resarciendam, viresque propemodum contractas paulisper fulciendas serum lactis vinosum propinatur.

6. Respiratio non multum impedita, pulsus celer & inæqualis robore, sitis non exstinguenda, tussis frequens cum sputo, caput obtusum est, petechiæ bene prostant, præcipue in brachiis & cruribus, modicam denuo passus est hæ-

morrhagiam, quinquies alvum de die, sexies noctu posuit.

7. Petechiæ numero pauciores, & quæ supersunt, livescunt, inde præcordiorum anxietas, pulsus inæqualitas, respirationis difficultas, sensuum hebetudo, artuum tremor, dolores quoque rheumaticos per crura & femora diffusos acerbè conqueritur; octies purgatus fuit, transitum est ad usum corticis Peruviani, Vesicantia suris admota sunt.

8. Insignis mutatio in melius non est subsequuta, nisi quod petechiæ in brachiis magis essent conspicuæ, minus in pectore, adhucdum lividæ; undecies alvum posuit liquidam, flavam, medicamentum assumptum semel revomuit, vesicantia sat bene operata sunt.

9. Pectus non adeo oppressum, respiratio liberior, pulsus celer, attamen æqualis, oculi nitidiores, dormivit noctu aliquot horas, perspirat bene in toto corpore, rubescunt petechiæ, lingua humida, sed sordida est, ter alvum posuit, urina nubeculam in medio suspensam gerit.

11. Pulsus adhuc multum febrilis, respiratio magis anxiosa, caput grave, audi-

auditus obtusus, dormit & noctu & interdiu, noctu quater, de die septies alvum posuit, petechiæ disparent, tussis vexat validior, quam unquam, nihil rejicit, nisi tenax gluten cum difficultate, hinc Kerm. miner. gr. iij. omni quadrihorio offeruntur.

14. Respiratio satis commoda, pulsus moderate febrilis, oculi nitent, caput, pectusque non queritur, surdaster est, tussit, sputumque reddit puriforme, coctum, facile, capit subinde somnum, & quidem reficientem, urina habet hypostasim, alvum bis posuit, appetit.

17. Febris abest, facies alacris est, somnus tranquillus, tussit rarius, bar-yecoia minuitur, de die ter, noctu S-xies alvum posuit cum levamine, vires recrescunt.

20. Mane quoad omnia sanus, vespere ab alimentis avidius ingestis vomuit, febricitat, sed postero die assumpto purgante reconvaluit, iterum rediit appetitus.

22. Denuo post horrorem, pulsus deprehenditur febrilis, quin causa pro-

catarrctica febris assignari potuerit; alvum bis posuit, dormivit satis bene.

23. Intenditur febris eo usque, ut pulsus celeritas, ejusque durities, licet virium robur alioquin dilapsum esset tum morbi magnitudine, tum diurnitate, V. S. exigeret, quæ etiam facta exhibuit sanguinem phlogisticum, simul data est mixtura ex stibio diaphor. non ablut. oximell. & aq. Sambuc. Nocte insequente bene dormivit, & sudavit cum euphoria. Exinde intellectu facile erat, quare de Berger de prælag. ex algor, in acutis dicat: *algor febribus catarrbalibus superveniens, non est contemnendus, cum febris inflammatoriæ index esse queat, quas enim pedissequas crebro habent, aut comites.*

24. Nihil notatu dignum accidit.

25. Post meridiem totum corpus exhorrescit, undique contremiscit, tum subsequitur calor intensior, quem excipit sudor copiosus, novum levans morbum, fecus bene dormivit, iterum appetit.

26. Melius habuit, sanguine manavit coram me, alvum ter posuit, apyretos est, valde appetit.

27. De-

27. Denuo sudavit cum levamine, non gravatur ab assumptis, præter vires debilitatas sibi bene esse lætus afferit.

Ex ejusmodi observationibus probe factis, id, ut opinor, colligere licet, vires corticis Peruviani in summa febris petechialis malignitate egregias esse.

Cadaverum sectiones.

I.

Miles 22. annor. ante quadrimestre spatium sustinuit morbum acutum inflammatorium, a quo non nisi ægre evasit, nihilominus pedetentim appetere incepit, manducare, nunquam vero refici ab alimentis, sic dum languida membra traheret, servitiisque ineptus fieret, ad meum nosocomium defertur.

Conquerebatur de tussi continua, sicca, irrita, versus vesperam sæpe numero ingruere horrores universum corpus pervagantes, hos excipi a calore intenso, denique largo sudore solvi paroxysmum, adjungebat, sibi pedes inflari, lecti vero calore tumorem rursus

diffipari, sese anxium esse, difficulter respirare, habitum corporis magis magisque indies consumi.

Sibi frequenter accidere ultro narrabat, se somnum capturum summa cum anxietate excitari, cor vehementer palpitare, suffocationisque minas sibi multoties intentari, seque miseræ vitæ terminum impatienter, & cum desiderio præstolari.

Funestas morbi acuti reliquias in pulmonibus hæere, ex signis recensitis manifestum erat, hinc expectorantia remedia ægro exhibebantur, quæ quidem tussim auxerunt, nihil vero sputi produxerunt, infusum stipitum dulcamaræ inter cætera maxime conduxit, quatenus vires expectorantes, diureticas, diaphoreticas, possidet præstantissimas, sed neque hoc malo funditus extirpando suffecit, adeoque anxius & anhelus post octidui spatium, quo in nosocomio morabatur, obiit.

Remotis integumentis communibus intestina sana & integra comparebant, in aqua non adeo copiosa fluctuantia.

Lien, ventriculus, hepar, immunia conspiciebantur.

Pancreas in tota sua substantia in scirrhum irresolubilem induruit.

Ablato sterno, dexter pulmo mollis spongiosus, paucò innatans sero, parvis vomicis, hinc inde disseminatis hirtus.

Sinister pulmo ab illuvie aquarum ita sepultus erat, ut nihil prorsus appareret: aquis evacuatis supererat parva portio dura, instar linguæ bovinæ, vertebris dorsi alligata.

Cor sanum alias, magnam sanguinis grummosi quantitatem in suis Cavis includebat.

II.

Miles 47. annor. ante sex annos ab equo preceps actus, sentiebat continuos dorsi, lumborumque dolores, quos inunctione aliquoties abegit, sed iterum reversi easdem partes lacegebant. Biennio post pedes inflari ceperunt, venter quoque intumescere, unde purgantibus hydragogis & diureticis curabatur.

Anni spatio post idem rediit malum, sed & simul tussicula sicca, dispnæa, torpor, brachii dextri paresis, & Oedema

dema acceſſerunt, tandem ad minimum motum anhelabat, nullo in latere ſine ſuffocationis metu jacere poterat, hinc dorſo incumbere ſemper cogeſſetur.

Remediis idoneis aliquamdiu exhibitis, nihil tamen proficientibus ad paracenteſin deventum eſt, qua 28. Lib. feri limpidi, flavi educæ ſunt.

Sed ſymptomata inde non mitigabantur, manente ſcilicet eadem ſpirandi difficultate, tuſſi anxietate &c. An non exin derivari poteſt hæc regula? ſi aquis hydropicorum ex abdomine ductis diſpnœa perſtat, pectoris hydroſtem ſuſpicari licet, quam & ſectio anatomica ſeptimo ab operatione die inſtituta confirmavit.

Abdomen apertum adhuc continebat 16. libras aquæ parum fætidx.

Inteſtina erant ſat bona. Lien nigro tinctus colore. Meſenterium gerebat in ſua ſubſtantia binos tumores ſcirrhoſos, vere cartilagineoſos, pugni magnitudinem adæquantes, qui diſcilli continebant materiam ſevo conſiſtenti perſimilem.

Aperto thorace, utraque ejus camera aqua erat pleniffima, cui puſ innatabat.

Su-

Superficies pleuræ, & diaphragmatis pseudo membrana subpurulenta obducta cernebatur.

Pulmonis dextri vix supererat vestigium, ejus locum tenuit crassa dura membrana, quæ parvam substantiæ spongiosæ portionem includebat.

Sinister mole quidem major, undique adhæsit pleuræ, mediastino, pericardio, figura sua, diametro, longitudine intestini crassi portionem referebat.

Pericardium simili scatebat aqua subpurulenta.

Quam mirum! hominem cum similibus pulmonibus horam vivere potuisse.

III.

HOmo juvenis alias sanus & robustus a biduo diarrhæa laborat, cum inde non nihil debilitaretur, domique suæ minus commode ægrotaret, Nosocomium adiit.

Pulsus illi tunc erat naturalis, respiratio bona & libera, lingua humida, sitis vix ulla, nulla corporis parte doluit, nisi quod levia tormina ventris nonnunquam sentiret; sumpsit ibi ad diarrhæam moderandam aliquos pulve-

res

res ex Mirobal. citrin. bol. armen. & nuc. myristic. compositos, a quibus diarrhæa multum mitigata, non vero sopita fuit.

Finiente die 3. a causa ignota incipit maniacæ delirare, tum furere, clamare, & lecto surgere, in adstantes audacter irruere, hinc vinculis lecto affigi debuit.

4. Die continuavit idem delirium cum pulsu naturali.

V. S. in pede celebrata fuit, enema revellens injectum, emulsio paregorica præscripta, vesicantia suris admota; noctu inter continua deliria & labores expiravit.

In cadavere omnia viscera tum thoracis, tum abdominis sana reperta sunt.

Caute ablato cranio, cerebri vasa multo cruore infarcta turgebant.

Parvæ bullulæ aqua limpida, insipida plenæ hinc inde piæ matri incumbant, ita ut plures essent in hæmisphærio dextro, pauciores in sinistro, quædam racematim cohærebant, quædam in determinato relidebant loco.

Ventriculi cerebri humore scatebant aquoso, paulo copiosiore.

Circa

Circa medullam oblongatam latuit
serum sanguinolentum ad unc. j.

Reliqua substantia tum corticalis,
tum medullaris sana.

An ergo hæ bullulæ furibundi delirii
citæque mortis caula?

IV.

HOmo 32. annorum, anno elapso
pondus sat grave elevare nititur,
quo omnes suas vires intendit, paulo
post sentit dolorem in lumbis, calorem,
anxietatem, pruritum in pectore, sequi-
tur tussis, cum qua egerit floridi san-
guinis ingentem quantitatem, simulque
urinam misit cruentam, unde multum
debilitatus per octiduum domi sese de-
tinere debuit.

Nihil medelæ adhibuit, tamen, ut a-
jebat, perfecte convaluit.

Cum vero vitæ sustentandæ causa,
eosdem, quos antea toleravit, duros
repeteret labores, recrudit denuo fa-
tale malum, ita, ut homo totus ex-
sanguis & cachecticus redderetur.

Notatu dignum, quod homo in to-
to morbi decursu nunquam materiam
puru-

purulentam rejecerit, sed semper gluten sanguine permistum.

A tanta sanguinis jactura viribus jam fractum febris adoritur, cum pulsu duro, respiratione anxia celeri, calore intenso, sputo suppresso.

Vena secari debuit, sanguis erat crusta lardacea obductus, decoctum emoll. ex Alt. malv. verbasc. paratum, optime conduxit ægro, sputum denuo prodiit sanguinolentum, nigrum valde foetens. 4. Morbi die succubuit.

Sectio anatomica monstravit: omentum tenue admodum & breve, intestina tenuia inflata, colon hinc inde arctissime constrictum, hepar sanum.

Ren dexter altissime hæsit sub costis spuriiis, sinister ad vertebrae lumborum locatus, mole major includebat calculum scabrum, pili magnitudine.

Pulmo dexter omni nota sanus.

Sinister omni ex parte vicinis partibus adhærescebat, durus, atro tinctus colore, dissectus exhibuit saccum amplum, cruore foetidissimo, qualem vivens rejecit, plenum.

V.

Milles 26. annor. frigidi tempera-
menti, ab incunabulis ut ajebat,
nunquam ritè valens cruribus, abdo-
mine, univerſoque corporis habitu in-
tumefcit, tumor eſt flaccidus, mollis in-
ſtar paſtæ, atque veſtigia impreſſorum
digitorum diutiſſime retinet; reſpiratio
ipli eſt rara & magna, pulſus tardus,
quandoque inæqualis, ſubin cor vehe-
menter palpitæ, præcipue dum ſe mo-
vet, noctu profunde dormit, mane a
ſomno evigilanti palpebræ, atque pars
illa, cui incubuit, immaniter tumet, ex-
trema plerùmque frigefcunt, tandem
lethargico obruitur ſopore.

Purgantia hydragoga repetitis licet
vicibus adhibita, diuretica, incidentia,
ſalina, Clyſmata acria, ſtimulantia,
ſinapiſmi, veſicantia, malum quidem
mitigarunt, non tamen curarunt. Hinc
etiam ſoporofus obiit.

In Cadavere omentum pingui or-
bum, valde extenſum, ad pelvim uſ-
que propendulum, in ſua duplicatura
aquam continebat.

Hoc remoto inteſtina tenuia facile

. G

. lace .

lacera, hinc inde livida comparebant. Crassa naturalem habebant colorem.

In cavo pelvis gelatina reperiēbatur.

In Thorace pulmo dexter undique pleuræ adnatus videbatur.

Sinister aqua circumdatus in summitate semiputridus abscessum aluit.

Pericardium abundabat aqua. In ventriculo cordis sinistro insignis latuit polypus, qui bifurcata sua ramificatione in arteriam aortam penetrabat.

Cerebri vasa, per piam matrem dispersa, non sanguine, sed aqua turgescebant, ventriculi anteriores lymphâ pleni erant.

In sinu longitudinali polypus digiti minoris crassitiem habens, albicans, spithamam longus reperiēbatur.

VI.

Milles 25. annor. per sesqui anni spatium febre intermittente, nunc tertiana nunc quartana laboravit, ita quidem, ut inter hoc tempus medicamenti assumptis fileret nonnunquam, mox iterum eodem rediret pede. Ex chronico hoc malo cachexiam, & ingentem tumorem in hypochondrio sinistro

nistro retulit, qui mobilis, latus regionem hypogastricam attingebat. Unde Lienem induratum quidem suspicari, minime vero certo affirmare licuit.

Tandem fervido mense Julio, exulante jam aliquamdiu feбри, dysenteria corripitur, a qua intra paucos dies e-nectus periit.

Dissectis integumentis Omentum cernebatur convolutum, nodosum, tuberosum, hæc tubera pingue gelatum continebant.

Hepar ingentis magnitudinis in tota sua substantia præter naturaliter durum erat, in parte convexa recondebat abscessum, qui læsus fundebat puris boni, albi, cocti Lib. j. s. evacuato pure superstes erat cavum, quod facile binos caperet pugnos, latera autem hujus cavi firma & dura secanti cultro resistebant.

In parte concava tumor apparuit albicante membrana occlusus, qui vulneratus materiam mucilaginosam habuit.

In Vesicula fellea paucus, crassus, nigricans, & glutinosus liquor, simulque

33: Calculi, plerumque triangulares la-

tuerunt, coloris externe subnigri, diffracti flavescebant.

Lien durus & ingens ponderabat Lib. iij. & unc. viij. in superiori parte tenui, lævi cartilagine crustatus, in inferiore livescebat.

Thoracis viscera carebant labe, cor parvum & exsangue deprehendebatur.

V II.

Miles 28. annor. peripneumonia corripitur. Statim in principio pondus & gravitas pectoris, respiratio densa & difficilis, rubor genarum, oculorum rubedo, pulsus celer & durus morbi periculum annunciabant.

Quatuor V. S. moderandæ feбри adhibebantur. Nitrosa, antiphlogistica affatim ingerebantur, his quoque pectoralia resolventia, derivantia jungentur. Omnibus licet conspirantibus salutaris materiæ morbosæ excretio neququam obtineri poterat. Hinc decimo quarto die jam signa suppurati pulmonis apparuere.

Paulo post variæ metastases contingerant.

Os sacrum, & magnam dorſi partem occu-

occupabat rubor, cutis tendi, & inflammari incipiebat, mox in cute inflammata sparsim enascebantur parva tubercula, quæ sponte rupta materiam purulentam plorabant, ita, ut tota cutis cribri instar pertusa plurimis foraminulis dehisceret.

Circa arcuatam costæ 4. & 5. veræ regionem novus oriebatur tumor, qui apertus illico dedit boni puris unc. jv.

Tertius abscessus in summitate sterni, ubi nimirum committitur cum clavicula, sese manifestabat.

Cum porro materia purulenta per universum corpus dispersa esset, ægro infusa detergentia ex Veronic. agrimon. heder. terrest. &c. una cum lacte offerebantur.

Sed febricula hectica, sudores nocturni, diatrhæa colliquativa, junctis viribus hominem brevi post tumultu intulerunt.

Cadaver externo intuitu macilentum & extenuatum apparebat.

In dorso examinatum livescebat, qua nimirum late patuit prævæ materiæ decubitus.

Ablata cute paniculus adiposus a materia

teria acri ulcerosa exesus videbatur, quæ simul cuniculos egit latos & profundos per membranam cellulofam ad mufculos glutæos ufque, ad tochanterem majorem ossis femoris in uno latere, in altero intra mufculos fubftitit.

Abdominis viscera cæteroquin fana reperta funt, nifi quod hinc inde contracta, alibi ampliora fuerint.

Intestinum cæcum & illa pars coli, quæ hepar verfus adfcendit, fcibalis duriffimis onuftum erat. Ileon folito rubicundius deprehendebatur.

Omentum hepatis lata bafi erat accretum & ab hoc tanquam a fuo involucro tegebatur.

Thoracis facies externa binos monftrabat abfcelfus, unum in parte laterali circa costam 4tam veram, quo ftilus immiffus pleuram attingebat, fed tamen integram offendebat.

Alterum in fummitate fterni, quo ftilus immiffus in finiftram thoracis cameram penetrabat.

Ablato fterno pulmo dexter undique accretus pleuræ, in fummitate fcirrholus apparebat.

Sinifter, corruptus, niger, friabilis, femipu-

miputridus, in pure copioso fœtente natabat.

Pulmo discissus ulcera sinuosa inter se communicantia ostendebat.

Pleura in illa parte erat corrofa, costæ binæ magna ex parte nudæ, periosio destitutæ.

Sternum pone commissuram cum clavicula quoque arrosus inventum est.

VIII.

Miles 34. annor. gangræna a frigore oborta, digitos pedis dextri ferre omnes amiserat, sed & simul, quia phalangum caries & exfoliatio contingebat, diutissime lecto affixus tenebatur, tum nescio, qua prophasi (an a miserrima vita prægressa) originem duxit tussis molestissima, quæ diu noctuque exagitavit ægrum, illumque somno & viribus privavit.

Inter remedia pectoralia, mucilaginosæ, obvolventiæ, emollientiæ, solus papaveris succus adjumento fuit, reliqua vix ullum præstiterunt effectum.

Porro a tam violenta tussi strias sanguineas extundere cœpit, venter dolere, tumere, appetitus aboleri, exte-

tinuit: dexter erat magna ex parte durus & scirrhusus.

Sinister in fero sanguinolento natabat, a quo mollis & friabilis reddebatur.

IX.

Homo juvenis 19. annorum ex sinu parentum vi abreptus ad militiam pertrahitur. Ab illo tempore tristior factus, semper acerbe cordis dolorem, thoracisque angustias querebatur. Tandem horror & febris hominem invasit.

3. Morbi die ad meum nosocomium deferitur: pulsus tunc erat durus & celer, respiratio frequens admodum & celeris, anxietas, inquietudo magna, sitis intensa, tussicula sicca, dolor cordis perpetuus.

Illico V. S. administratur, sanguis erat multum phlogisticus; hæc repetitur ad tertiam usque vicem; simulque diluentia, antiphlogistica, nitrosa offeruntur. Enena refrigerans ad alvum referendam injicitur.

Somnum capiebat nullum, semper animi dejecti, & cogitabundus videbatur.

tur, 6. morbi die bis passus est lypothymiam. Incipiente 7. mortuus est.

In cadavere omnia viscera abdominis sana & integerrima reperta sunt.

Pulmo uterque labe carebat.

Pericardium solito amplius, & magis extensum, digitis attactum fluctuantis materiæ indicium dedit.

Hoc aperto, puris boni circiter Lib. ß effluxit.

Interior ejusdem superficies membrana subpurulenta, spissa, obducta cernebatur.

Cor parvum compressum, pilosum, simili pseudo membrana vestitum erat.

Ventriculus cordis dexter materiam tremulam polyposam continuit.

X:

HOmo 38. annor. alias sanus ante quadriennium ex alta delapsus arbore impingit ventre in durum obstaculum, unde ultra horæ spatium exanimis jacuit. Paulatim tamen ad se rediit, dolores ventris acerbos conquerebatur, per triduum una cum alvo sanguinem grumosum exonerabat, atque deinceps vehementer ægrotabat,
ita

ita ut vitæ servandæ exigua spes affulgeret. Attamen V. S. repetita, medicamentis quibusdam interne assumptis, epithematibus externe applicatis intra sex septimanas convaluit.

Per biennium utcunque valens, tandem ad motum corporis paulo celeriorrem angi cœpit, difficulter respirare, aëies oculorum obtundi, sensus hebescere, vires concidere, pallefcere, denique in animi deliquium labi.

Advertebat simul ingratam, & vehementem pulsationem in abdomine, quæ quiete corporis mitesceret, motu vero augesceret, nunquam autem penitus sileret.

Morbo suo, quem a saburra in ventriculo latitante proficisci, existimabat, medelam allaturus, proprio instinctu binis vicibus potionem purgantem abligurit, sed sine ullo prorsus levamine. Suadente amico fomentum ex absinth. vulgar. nuc. myrist. & vino paratum, debilitato, ut credebât, stomacho admovebat. Sed & hoc successu caruit.

Sola Venæ Sectio plurimum semper profuit.

Mox tamen, ubi parum citius obambu-

ambulabat, eadem ludebatur tragœdia, eadem recrudit fatalis pulsatio.

Quatuor ante mortem septimanas ego accitus historiam morbi partim ab adstantibus, partim ab ipso ægro relatam accurate expendo, simulque præsentem ægrum attente considero.

Hominem inveni macilentum, viribus fractum, cum pulsu parvo debili, inæquali, sæpe numero intermittente, respiratione anxia difficili, appetitu abolito, tussicula sicca.

Porro denudatum examino abdomen, pulsantique loco manum applico, fortis & ingens erat, quam sensi, pulsatio.

Magnum & incurabile malum hic loci hædere, ratus, præscripsi tamen illa, quæ in simili casu a viris in arte medica præstantissimis laudari solent.

℞. Rob. Sambuc.
Mell. pur. aa. unc. ij.
Terr. foliat. tart. Dr. ij.
Laud. opiat. gr. iij.
m. sumat omni quadrihorio
parvum cochleare.

Siti

Siti restinguendæ serum lactis destinnabatur.

Victum tenuem, summam corporis & animi quietem imperabam.

Alvus immorigera sæpius Clysmate emolliente sollicitabatur.

Quibus id effectum, ut homo intra octidui spatium melius longe haberet, lectique pertæsus surgeret, obambulet in cubiculo.

Verum tamen mansit semper eodem in loco molesta pulsatio, ibant, & redibant tetra symptomata nunc crescendo nunc diminuendo.

Postquam per biennium & ultra lethales has vicissitudines esset expertus, mortisque truculentæ ludibrium fuisset, e lecto surgit alvum depositurus, ab hoc motu valde fit anxius, atque gelido sudore perfunditur, mox syncope correptus, de repente mundo vaie dixit.

Cadaveris aperiendi copiam nactus,prehendi intestina e sua sede dimota, utrumque latus occupantia, mediante pseudo membrana arcte inter se coherentia.

Centrum mesenterii hinc inde inflammatum, lacerum & exulceratum.

Huic

110 CADAVERUM SECTIONES.

Huic succubuit faccus amplus durus crassus; aneurismaticus pugni magnitudinem excedens, qui ex pluribus lamellis crassis flexilibus, & elasticis, mirum in modum inter se nexis & conglutinati componebatur. Vulneratus magnam sanguinis coagulati quantitatem continebat.

Ulteriori indagine constitit hunc faccum arteriam aortam esse, paulo inferiorius, ubi emulgentibus originem dedit, enormiter extensam.

Subjectæ lumborum vertebræ friabiles, molles, hinc inde subnigræ, facili attactu in pulverem fatiscebant,

Reliqua corporis viscera nihil notatu dignum exhibebant.



